

আশাকানন

সাম্প্রক্লপক কাব্য



শ্রীহেমচন্দ্র বন্দ্যোপাধ্যায়

বিরচিত ।

কলিকাতা

২৯১৩ নন্দকুমার চৌধুরীর লেন
আর্য্য-সাহিত্য-সমিতি কর্তৃক
প্রকাশিত

(নূতন সংশোধিত সংস্করণ)

(১৩০০)

891.441

2 269

Acc 26626

20/08/2005



বিজ্ঞাপন ।

আশাকানন এক খানি সঙ্গ-রূপক কাব্য । মানব জাতির প্রকৃতিগত প্রবৃত্তিসকলকে প্রত্যক্ষীভূত করাই এই কাব্যের উদ্দেশ্য । ইংরাজি ভাষায় এরূপ রচনাকে 'এলিগারি' কহে । প্রধান বিষয়কে প্রচ্ছন্ন রাখিয়া, তাহার সাদৃশ্যসূচক বিষয়ান্তরের বর্ণনা দ্বারা সেই প্রধান বিষয় পরিব্যক্ত করা, ইহার অভিপ্রেত । ইহা বাহ্যতঃ সাদৃশ্যসূচক বিষয়ের বিবৃতি ; কিন্তু প্রকৃতার্থে গূঢ় বিষয়ের তাৎপর্য বোধক । এই ইংরাজি শব্দের প্রকৃত অর্থ প্রকাশ করিতে পারে, এরূপ কোনও শব্দ বাঙ্গালা ভাষায় প্রচলিত নাই ; এবং কোনও বিচক্ষণ পণ্ডিতের নিকট অবগত হইয়াছি যে, সংস্কৃত ভাষাতেও ইহার অবিকল প্রতিশব্দ পাওয়া যায় না । তবে আলিফারিকেরা যাহাকে 'অপ্রস্তুত প্রশংসা' বলিয়া উল্লেখ করেন, যৌগিকার্থে তাহার সহিত ইহার সৌসাদৃশ্য আছে ; কিন্তু সঙ্গ-রূপক শব্দ স্মর্যক অর্থবোধক হওয়াতে তাহাই ব্যবহার করা হইল ।

আশাকানন



প্রথম কণ্ঠনা ।

আশার সহিত সাক্ষাৎ ও পরিচয়, তাঁহার সঙ্গে
আশাকাননে প্রবেশ । ভিন্ন ভিন্ন দিক
হইতে কৰ্মক্ষেত্রাভিমুখে
প্রাণী সংপ্রবাহ ।

বঙ্গে সুবিখ্যাত দামোদর নদ
ক্ষীর সম স্বাচ্ নীর ;

বৃক্ষ নানা জাতি বিবিধ লতায়
সুশোভিত উভ তীর ;

বিক্র্যাগিরি শিরে জনমি যে নদ
দেশ দেশান্তরে চলে ;

সিকতা-সজ্জিত সুন্দর সৈকত
সুধৌত নির্মল জলে ;

পবিত্র করিলা যে নদের কূল
সুকবি কঙ্কণ কবি

ফুটায় কবিতা কুমুম মধুর
বাণীর প্রসাদ লভি ;

যে নদ নিকটে রসবিহ্বলিত
ভারত অমৃতভাষী

জনমি স্কন্ধে বাণীতে উন্নত
করেছে গউড়বাসী ।

সেই দামোদর তীরে এক দিন
অরুণ-উদয়ে উঠি,

আশাকানন ।

৩

আসি কত দূর ছাড়ি কত দেশ
কানন দেখিতে পাই ;
অতি মনোহর কানন রুচির
যেন সে গগন কোলে
কিরণে সজ্জিত ঈষৎ চঞ্চল
পবনে হেলিয়া দোলে,
বরণ হরিত বিটপে ভূষিত
সরল সুন্দর দেহ,
বৃক্ষ সারি সারি সাজায়ে তাহাতে
রোপিতা যেন বা কেহ ।
শোভে বন মাঝে বিচিত্র তড়াগ
প্রসারি বিপুল কায় ;
মেঘের সদৃশ সলিল তাহাতে
ছলিছে মৃদুল বায় ।
বারি শোভা করি কমল কুমুদ
কত সে তড়াগে ভাসে ;
কত জলচর করি কলধ্বনি
নিয়ত খেলে উল্লাসে ;
ভ্রমে রাজহংস সুখে কণ্ঠ তুলি,
মৃগাল উপাড়ি খায় ;
রৌদ্র সহ নেঘ তড়াগের নীরে
ভুবিয়া প্রকাশ পায় ;
তড়াগ সলিলে প্রতিবিম্ব ফেলি
কত তরু পরকাশে ;
হেলিয়া হেলিয়া তরঙ্গে তরঙ্গে
ভাঙ্গিয়া ভাঙ্গিয়া ভাসে ;
ছলিয়া ছলিয়া বায়ুর হিল্লোলে
তটেতে সলিল চলে ;

প্রথম কল্পনা ।

৫

আশা মম নাম স্বরগে নিবাস
এবে সে নিবাস ভূমি ;
মানবের দুঃখে অমরের পতি
পাঠাইলা ভূমণ্ডলে ;
দেবরাজ দয়া করিয়া মানবে
আমায় আসিতে বলে ;
থাকি চিরকাল সুখে স্বর্গপুরে
ধরাতে কিরূপে আসি,
মরতে কেমনে স্বর্গের বিরহ
সহিব তাঁহে জিজ্ঞাসি ;
শুনি শচীপতি করি আশীর্বাদ
হাতে দিলা এ দর্পণ,
কহিলা 'দেখিবে ইথে যবে মুখ
পাবে সুখ ততক্ষণ ;
যে পরাগী ইথে দেখিবে বদন
পাইবে অতুল সুখ,
যাও ধরাতলে তাপিলে হৃদয়
দর্পণে দেখিও মুখ ;'
তদবধি আমি আছি ভূমণ্ডলে
পুরী সৃজি এই স্থানে ;
মানবের দুঃখ নিবারি জগতে
জুড়াই তাপিত প্রাণে ;
যখন হৃদয়ে স্বর্গের সৌন্দর্য
দেখিতে বাসনা হয়,
নিরখি দর্পণ তুষ্টি সে বাসনা,
শীতল করি হৃদয় ।
হেরি চিন্তা-রেখা ললাটে তোমার,
হবে বা তাপিত জন,

আশাকানন ।

ভুলিবে যাতনা ভাবনা সকলি

এ পুরী কর ভ্রমণ ।”

ছাড়িয়া নিশ্বাস কহিলু আশায়

“কিবা এ নবীন স্থান

দেখাবে আমারে, দেখেছি অনেক,

নহে এ তরুণ প্রাণ ;”

আশা কহে ‘তবু কভু ত সে পুরী

কর নাই পরিক্রম,

চল সঙ্গে মম, দেখ একবার,

ঘুচুক চিত্তের ভ্রম ।

জানি যে কারণে তাপে চিত্ত তব

যে বাসনা ধর মনে—

পুরাব বাসনা সকল তোমার,

প্রবেশ আমার বনে ;

দেখাব সেখানে কত কি অদ্ভুত,

কত কিবা অপরূপ,

দেখে নাই যাহা নয়নে কখন

স্বপনে কোন সে ভূপ ;

থাকিবে কাননে স্বরগে যেমন,

কাঁদিতে হবে না আর ;

শোক চিন্তা তাপ ভুলিবে সকল,

ঘুচিবে প্রাণের ভার ।

বচনে আশার পাইয়া আশ্বাস

পশ্চাতে তাহার সনে

যাই দ্রুতগতি হৈয়ে কুতূহলী

প্রবেশিতে সে কাননে ।

আসি কিছু দূর দাঁড়াইলা আশা

হাসিয়া মধুর হাসি,

প্রথমকল্পনা ।

৭

পরশি তর্জনি মম আঁখি দ্বয়ে
কহিলা মৃদুল ভাষি ;
হের বৎস হের সম্মুখে তোমার
আমার কাননস্থল,
কাননের ধারে হের মনোহর
ধারা কিবা নিরমল ।
নিরখি সম্মুখে আশার কানন
প্রক্ষালিত ধারা জলে ;
স্বচ্ছ কাচ যেন সলিল তাহাতে
উছলি উছলি চলে ;
কখন উথলি উঠিছে আপনি,
কখন হইছে হাস,
মণি-পদ্ম কত, মণির উৎপল •
ধারা-অঙ্গে সুপ্রকাশ ;
খেলে ধারা নীরে তরি মনোহর
হীরকে রচিত কায়,
প্রাণী জনে জনে একে একে একে
কত যে উঠিছে তায় ;
বিনা কর্ণ দণ্ড ভ্রমে সে তরণী
খেয়া দিয়া ধারা-নীরে ;
উঠে ক্রমে তাহে প্রাণী যত জন
পরপারে রাখে ধীরে ।
উঠে তরীপরে প্রাণী হেন কত
যুবা বৃদ্ধ নারী নর,
মনোরথ-গতি খেলায় তরণী
ধারা-নীরে নিরন্তর ।
গগনে যেমন দামিনী ছটায়
কাদম্বিনী শোভা পায়,

আশাকানন ।

প্রাণী সে সবার বদন তেমতি

প্রদীপ্ত সুখ-প্রভায়,

চিত-হারা হৈয়ে হেরি কতক্ষণ

প্রাণী হেন লক্ষ লক্ষ

দশ দিক্ হৈতে আসে সেই স্থানে

তরণী করিয়া লক্ষ্য ।

আশা কহে হাসি চাহি মুখ পানে

“কি হের সখিদ-হারা

আমার কাননে প্রবেশে যে প্রাণী

তাহারই এমনি ধারা—

হের কিবা সুখ ভাতিছে বদনে

নাচিছে হৃদয় কত ;

বাসনা পীযুষ পানে মত্ত মন

চলে মাতোয়ারা মত ;

নন্দনে যেমন নিমেষে নূতন

নবীন কুসুম ফুটে

নিমেষে তেমতি ইহাদের চিত্তে

নবীন আনন্দ উঠে ;

দেখেছ কি কভু কখন কোথাও

তরী হেন চমৎকার,

পরশে পরাণে বিনাশে বিরাগ,

ঘুচায় প্রাণের ভার ;

উঠ তরী' পরে, বুঝিবে তখন

এ কাননে কতসুখ ;

নন্দন সদৃশ রচেছি কানন

‘ঘুচাতে প্রাণীর দুখ ।’

এত কৈয়ে আশা ধরিয়া আমায়ে

তুলিলা তরণী'পর ;

আশাকানন ।

৯

অমনি সে ধারা সলিল উথলি
চলে দ্রুত থর থর ;
দেখিতে দেখিতে পুরিয়া ছকুল
ছল ছল চলে জল ;
দেখিতে দেখিতে সলিল ঢাকিয়া
ফুটিল কত উৎপল ;
চলিল তরণী গতি মনোহর,
মধুর মুরলীধ্বনি
বাজিতে লাগিল সহসা চৌদিকে
তরীতে সদা আপনি ;
ভুলিলাম যেন এ বিশ্ব ভুবন
করতলে স্বর্গ পাই ।
চারি দিকে যেন মণিময় পুষ্প •
নিরখি যেখানে চাই ।
শুনি যেন কেহ কহে শ্রুতি মূলে
“দেখ রে নয়ন মেলি,
কলঙ্ক-বিহীন মানব-মণ্ডলী
ধরাতে করিছে কেলি ;
স্বর্গ তুল্য এবে হয়েছে পৃথিবী,
স্বর্গের মাধুরীময়,
দ্বेष, হিংসা, পাপ বর্জিত পরাণী,
নির্মল গুচি হৃদয় ;”
হেরি যেন মর্ত্তে তেমতি তরুণ,
তেমতি নবীন ভাব
ধরেছে মানব যে দিন বিধির
হৃদি পদ্মে আবির্ভাব ;
নাহি যেন আর সেই মর্ত্তপুরী,
যেখানে দারিদ্র-শিখা,

ভ্রমে দেশে দেশে শীতল বারিতে,
 শীতল করি অঞ্চল ;—
 ছোট্টে কল কল ধ্বনি নীরধারা
 ধরণী পরশে স্নুখে,
 বিবিধ পাদপ নানা শস্য ফল,
 বিস্তৃত করিয়া বুক ;
 খেলে জলচর মীন নানা জাতি
 সন্তরণ করি নীরে ;
 পশু স্থলচর বিবিধ আকৃতি
 সদা ভ্রমে স্নুখে তীরে ;
 তীর-সন্নিহিত বিটপে বিটপে
 পাখী করে স্নুখে গান ;
 লতা গুল্মরাজি বিকাসে সৌরভ
 প্রফুল্লিত করি প্রাণ ;
 ভ্রমে তটে তীরে প্রাণী লক্ষ লক্ষ
 সদা প্রমোদিত মন,
 আনন্দিত মনে নীরে করে স্নান
 সদা স্নুখে নিমগন ;—
 যথা সে জাহ্নবী ভারত শরীরে
 বহে নিত্য স্নুখকর,
 বহে নিত্য এথা নিরখি তেমতি
 আনন্দ স্নুধা-লহর ।
 দেখি শত পথে ছাড়ি শত দিক্
 প্রাণীগণ চলে তায়,
 যুবা বৃদ্ধ প্রাণী পুরুষ রমণী
 ক্ষিতি পূর্ণ জনতায় ;
 চলে থাকে থাকে কাতারে কাতার
 পিপীলির শ্রেণী মত ;

অসংখ্য অসংখ্য প্রাণীর প্রবাহে
 পরিপূর্ণ পথি যত ।
 নিরখি কোতুকে চাহিয়া চৌদিকে
 সাগরের যেন বালি—
 চলে প্রাণীগণ ঢাকি ধরাতল,
 চলে দিয়া করতালি ;
 অশেষ উৎসাহ আনন্দ আশ্বাসে
 সকলে করে গমন,
 দেখিয়া বিস্ময়ে পুরিয়া আশ্বাসে
 আশারে হেরি তখন ;
 জিজ্ঞাসি তাহায় “একুপ আনন্দে
 প্রাণী সবে কোথা যায়,
 কি বাসনা মনে চলে কোন স্থানে
 কি ফল সেখানে পায় ।”
 আশা কহে শুনি হাসিয়া তখন
 “চল বৎস চল আগে,
 প্রাণী-রঙ্গভূমি কস্মক্ষেত্র নাম
 নিরখিবে অমুরাগে ;
 প্রাণী যত তুমি হের এই সব
 সেই খানে নিত্য যায়,
 বাসনা কল্পনা ষাট্শ বাহার
 সেই খানে গিয়া পায় ।
 আশা-বাণী শুনি চলি দ্রুত বেগে,
 আশা চলে আগে আগে,
 আসি কিছু দূর দেখি মনোহর
 পুরী এক পুরোভাগে ।

দ্বিতীয় কণ্ঠনা ।

[কক্ষক্ষেত্র—ছয় দ্বার—ছয় জন প্রহরী কর্তৃক রক্ষিত—

পারিক্রম—প্রতিদ্বারে প্রহরীর আকৃতি ও প্রকৃতি দর্শন ।

১ম দ্বারে শক্তি, ২য় দ্বারে অধ্যবসায়, ৩য় দ্বারে

সাহস, ৪র্থ দ্বারে ধৈর্য্য, ৫ম দ্বারে শ্রম,

৬ষ্ঠ দ্বারে উৎসাহ—পুরী মধ্যে

প্রবেশ—পুরী দর্শন—

পুরীর মধ্যভাগে

যশঃশৈল ।]

চৌদিকে প্রাচীর অপূর্ব নগরী

পাষাণে রচিত কায়া,

নিরখি সম্মুখে বিশাল বিস্তৃত

প্রকাশিয়া আছে ছায়া;

প্রাচীর শিখরে প্রাণী শত শত

নিরখি সেখানে কত

বিচিত্র সুন্দর সামগ্রী ধরিয়া

ভ্রমে সুখে অবিরত ;

নিম্নদেশে প্রাণী করি উদ্ধ' মুখ

কতই আকুল মন

চাহিয়া উচ্ছেতে অধীর হইয়া

সদা করে নিরীক্ষণ—

রাজ-পরিচ্ছদ রাজ-সিংহাসন

সুবর্ণ রজত কায়া,

প্রবাল মাণিক্য মণ্ডিত হীরক

কত দ্রব্য শোভা পায় ।

আশা কহে বৎস “অপূর্ব এ পুরী

আমার কাননে ইহা,

প্রবেশে ইহাতে প্রাণী নিত্য মিত্য
 মিটাতে প্রাণের স্পৃহা,
 এ পুরী পশিতে আছে ছয় দ্বার,
 ছয় দ্বারী আছে দ্বারে ।
 কেহ সে ইহাতে আদেশ বিহনে
 প্রবেশিতে নাহি পারে ;
 আ(ই)সে ঘটজন প্রবেশ-মানসে
 সেই পথে করে গতি
 যে পথে যাহারে করিতে প্রবেশ
 দ্বারী করে অনুমতি ।
 দ্বারে দ্বারে হের মুহূর্ত্তে মুহূর্ত্তে
 আ(ই)সে প্রাণী কত জন,
 একে একে সবে প্রতি দ্বারে দ্বারে
 ক্রমশঃ করে ভ্রমণ ।
 চল দেখাইব এ পুরী তোমারে
 আগে দেখে বড় দ্বার,
 কিরূপ আকৃতি প্রকৃতি প্রহরী
 গতি মতি কিবা কার ।”
 এত কৈয়ে আশা লইয়া আমার
 চলিল প্রথম দ্বারে ;
 নিরখি সেখানে যুবা এক জন
 দাঁড়ায়ে দ্বারের ধারে ;
 দ্বার সন্নিধানে প্রকাণ্ড মুরতি,
 অচলের এক পাশে
 যে যুবা পুরুষ ভুরু দৃঢ় করি
 দাঁড়ায়ে দেখে উল্লাসে ;
 হেলিয়া পড়েছে অচল শরীর,
 সে যুবা ধরিয়া তার

তুলিছে ফেলিছে অবলীলা ক্রমে
 ভুরুক্ষেপ নাহি কায় ;
 কভু সে অচলে ক্রকুটি করিয়া
 যুবা হেরে মাঝে মাঝে,
 নিহত কপোত নিক্ষেপি অন্তরে
 নিরখে যেমন বাজে ।
 দেখিয়া যুবার বিচিত্র ব্যাপার
 বিস্ময়ে নিম্পন্দ হই,
 বাণী শূন্য হয়ে প্রমাদে ক্ষণেক
 স্তম্ভিত ভাবেতে রই ;
 পরে কুতূহলে চাহি আশামুখ,
 আশা বুঝি অভিপ্রায়
 কহে “শক্তিরূপ প্রাণী রক্তভূমে
 এই দ্বারে হের তায় ;
 অসাধ্য ইহার নাহি এ ভবনে
 যাহা ইচ্ছা তাহা করে ;
 জন্ম দৈত্যকুলে মানবমণ্ডলী
 পূজে এরে সমাদরে ।”
 কহিয়া এতেক হৈয়ে অগ্রসর
 আসিয়া দ্বিতীয় দ্বার
 আশা কহে “বৎস দেখ এ ছয়ারে
 প্রাণী এক চমৎকার ।”
 দ্বিতীয় দ্বারেতে নিরখি বসিয়া
 বৃদ্ধ প্রাণী একজন,
 করি হেঁট মাথা বালুস্তূপ পাশে
 বালুকা করে গণন ;
 গুণিয়া গুণিয়া শিখর সদৃশ
 করিয়াছে বালুরাশি,

আবার গুণিয়া লয়ে ভার ভার
 চালিছে তাহাতে আসি ;
 অগ্র কোন সাধ অগ্র অভিলাষ
 নাহি কিছু চিন্তে তার,
 অনগ্র মানসে বালি গুণি গুণি
 করিছে শৈল আকার ;
 অতি সাম্যভাব প্রকাশ বদনে
 অণুমাত্র নাহি ক্লেশ,
 অন্তরে শরীরে নহে বিকসিত
 চাঞ্চল্য বিরক্তি লেশ ।
 আশা কহে “বৎস ভুবনে প্রসিদ্ধ
 ধরাতে সুখ্যাতি যার,
 সে অধ্যবসায় প্রাণী-রঙ্গভূমে
 চক্ষে দেখ এই বার ।”
 ক্রমে উপনীত তৃতীয় দ্বারে
 আসিয়া হেরি তখন,
 দাঁড়য়ে সে দ্বারে প্রাণী লক্ষ লক্ষ
 করে দ্বারী আরাধন ;
 মহা কোলাহল হুহুয় সেই দ্বারে
 শস্ত্রধারী সর্বজন ;
 রবির আলোকে চমকে চমকে
 অস্ত্রে অস্ত্র ঘরষণ ;
 নিরখি নির্ভীক পুরুষ জনেক
 দ্বারেতে প্রহরী বেশ,
 অপাঙ্গ-ভঙ্গিতে বীর্য্য পরকাশি
 চাহি দেখে অনিমেষ ;
 সম্মুখে উন্নত কেশরী কুঞ্জর
 করে ঘোরতর রণ,

এক(ই) ভাবে সদা তবু সে পুরুষ
 গ্রীবাদের সমুন্নত,
 মুখে নাহি স্বর নয়ন অপাঙ্গে
 নাহি করে অশ্রু কণা ;
 নাহি বহে ঘন শ্বাস নাসারন্ধ্রে
 নহেক চঞ্চলমনা ।
 কতিপয় মাত্র প্রাণী সেই দ্বারে
 প্রবেশ করিছে হেরি,
 দূরে দাঁড়াইয়া প্রাণী শত শত
 আছয়ে সে দ্বার ঘেরি ;
 হেরি, অপরূপ প্রাণী দ্বারদেশে
 সন্ত্রমে স্মৃতি আশায়,
 সেরূপে সেখানে কেন সে বসিয়া
 ফণী দংশে কেন গায় ।
 শুনিয়া বচন ধীর শান্তমতি
 ধৈর্য্য সে তখন কয়
 “শুন বলি কেন হেন দশা মম
 কিরূপে উদ্ভব হয় ।
 অদৃষ্ট সৃজন করিয়া বিধাতা
 ভাবিয়া আকুল প্রাণ,—
 অতি মধুময় মাধুরীতে তার
 সর্ব্ব অঙ্গ নিরমাণ ;
 যা বলেন বিধি তখনি সে সাধে
 যারে করে পরশন
 দেব, দৈত্য, প্রাণী তখনি অমনি
 বশীভূত সেই জন ;
 কিন্তু অঙ্গে তার ভুজঙ্গের মালা

পরানী দেখিয়া ত্রাসে

ক - ২৬৭

Acc 260/16
 ২০/১১/২০২৬



আশাকানন ।

নিকটে তাহার আপন ইচ্ছাতে
 কেহ না কখন আসে ;
 কি করেন বিধি ভাবিয়া অধীর
 সৃজন বিফল হয়,
 অদৃষ্টের কাছে প্রাণী কোন জন
 সৃষ্টির নাহিক রয় ।—
 আমি দৈব দোষে আসি হেন কালে
 নিকটে করি গমন ;
 না জানি যে বিধি কি ভাবিলা মনে
 আমারে হেরি তখন ;
 খুলি ফণিমালা অঙ্গ হৈতে তার
 পরাইলা মম অঙ্গে,
 'কহিলা ভ্রমণ করিতে ভুবন
 শরীরে বাঁধি ভুজঙ্গে,
 বিধাতার বাক্য না পারি লজ্জিতে
 ত্রিলোক ভুবনে ফিরি
 ফণিমালা গলে, অঙ্গ বিধে জলে,
 দিবা নিশি ধীরি ধীরি ;
 ব্রহ্মাণ্ড ভুবনে নাহি পাই স্থান
 সৃষ্টির পরাণে থাকি,
 শেষে আশা-পুরে আসি স্তম্ভ কিছু
 এরূপে ছয়ার রাখি ।
 দেখি স্কুকুমার মানস তোমার
 এ পুরী ভ্রমণে তাপ
 পাও যদি কভু, আসিও নিকটে,
 যুচাইব সে সস্তাপ ।”
 গুনি ধৈর্য্যবাণী হৈয়ে চমৎকৃত
 চলিল পঞ্চম দ্বার ;

সেই শ্রম এই হের মূর্তি তার
 কষ্টে সিদ্ধ মনস্কাম ।
 শুনি আশা-বাণী ছুঃখিত অন্তরে
 নিকটে তাহার ঘাই,
 বিনয়ে নিবৃত্ত করিয়া শ্রমে
 বারতা ধীরে সূধাই ;
 সাধনা বাক্যেতে হৈয়ে স্মৃশীতল
 কহে দারী খেদস্বরে,
 বলিতে বলিতে বক্ষঃস্থলে নিত্য
 ঘর্ম বিন্দু ঘন করে ;
 কহে “চিরদিন আমি এইরূপে
 এই সে কোদালি ধরি,
 ধরনী খনন করি অহরহ ;
 না জানি দিবা শর্করী,
 প্রভাত ফুরায় আ(ই)সে অপরাহ্ন
 আবার প্রভাত হয়,
 তবু ক্ষণকাল এ ক্ষিতি খননে
 আমার বিরাম নয়,
 দিবস যামিনী খুঁড়িয়া খুঁড়িয়া
 নিত্য যা সঞ্চয় করি,
 যে মৃত্তিকা রাশি পবনে উড়ায়
 কিম্বা অশ্রুে লয় হরি ;
 দশ বর্ষে যাহা তুলি আকিঞ্চনে
 এক বাত্যাঘাতে নাশে,
 না জানি কেন বা অদৃষ্টে আমার
 এতই দুর্ভেদ আসে ;
 আর আর দূরে দারী হের যত
 কেহ না বিপ্ল পোহায়,

ধূলি মুঠি করে না করিতে তারা
 সোণা মুঠি হলে যায় ;
 আমি যদি সোণা রাখি কণ্ঠে রাখি,
 তখন সে হয় ভঙ্গ,
 শ্রমের ভাগ্যেতে নাই নাই সুখ,
 কিবা অদ্য কি পরশ্বঃ ;
 অই যে দেখিছ তব সঙ্গে আশা
 কৃত কি করিবে দান,
 বলিয়া আমারে আনিল এখানে
 এবে সে দেখে বিধান ।”
 শুনি চাহি ফিরে আশার বদন
 আশা ফিরাইয়া মুখ,
 কহে “বৎস চল যাই যষ্ঠ দ্বারে,
 অদৃষ্টে উহার দুখ ।”
 ফেলি দীর্ঘশ্বাস চলি আশা সনে
 অগ্রভাগে যষ্ঠ দ্বার,
 হেরি স্তম্ভ পাশে ভীম মহাবল
 প্রাণী সেথা চমৎকার ;
 দাঁড়িয়ে দুয়ারে অতুল বিক্রমে
 শূন্য পদে আছে স্থির,
 করতলে ধরি আকাশ মণ্ডল,
 হুঙ্কার করে গম্ভীর ;
 নিশ্বাস প্রশ্বাস রহিছে মঘনে
 অপরূপ ভেজ তায়,
 নিমেষে পরশে শরীর যাহার,
 দেব শক্তি যেন পায় ;
 প্রাণীগণ আসি দ্বারে উপনীত
 হয় নিত্য যেই ক্রণ,

আশাকানন ।

সে নিখাস বেগে আবর্ত আকারে
প্রবেশে পুরে তখন ;

যথা নদীগর্ভে ঘুরিতে ঘুরিতে
সলিল যখন চলে,

পড়িলে তাহাতে ভগ্নতরী-কাষ্ঠ
মুহূর্তে প্রবেশে তলে,

এথা সেইরূপে ঘুরিতে ঘুরিতে
প্রাণী প্রবেশিছে তায়,

ক্ষণকাল স্থির কেহ দৃঢ় পদে
সেখানে নাহি দাঁড়ায় ;

প্রাণীর আবর্তে পড়িতে পড়িতে
আশা দৃঢ় করে ধরি

রাখিল আমারে স্তম্ভ বহির্দেশে
যতনে স্থির করি ।

বিস্ময়ে তখন কোতুক প্রকাশি
আশার বদন চাই,

আশা কহে “বৎস না হও চঞ্চল
আছি সঙ্গে ভয় নাই ;

এ মহা পুরুষ এই বর্ষ দ্বারে
ভুবনে বিখ্যাত যিনি

উৎসাহ নামেতে অসম সাহস,
সেই মহাপ্রাণী ইনি ।”

আশার বাক্যেতে উৎসাহ তখন
আনন্দে আগ্রহে অতি

বসায় নিকটে বলিতে লাগিল
সম্মুখে দেখায়ে পথি—

“এই পথে যাও কর্মক্ষেত্র মাঝে
না কর অন্তরে ভয়,

কে বলে কণিক মানব জীবন ?
 জগতে প্রাণী অক্ষয় ;
 প্রাণী রক্ত ভূমে ভ্রম তীব্র তেজে
 শরীর অক্ষয় ভাব
 মৃত্যু তুচ্ছ করি জীবরঙ্গে মজি
 দৈত্যের বিক্রমে ধাব ;
 শৈবালের জল স্বপন-প্রলাপ
 নহে এ মানব প্রাণ,
 কীট কুমি তুল্য আহার শয়ন
 আশ্রয় নহে বিধান ;
 ব্রহ্মাণ্ড জিনিতে এ মহীমণ্ডলে
 জীবাত্মা বিধির সৃষ্টি ;
 সেই ধন্ত প্রাণী নিত্য থাকে যার
 সেই পথে দৃঢ় দৃষ্টি ;
 স্বকার্য সাধন নহে যত কাল
 এ বিশ্ব ভুবন মাঝে,
 জ্ঞান বুদ্ধি বল ধন মান তেজ
 দেহ প্রাণ কোন কাজে ;
 ধিক্ সে মানবে এখনও না পারে
 প্রাণ সঞ্চারিতে জীবে,
 এখন(ও) রুতান্তে না পারে জিনিতে
 সংহারি সর্ব অশিবে ;
 কিং কব এ তেজ সহিতে না পারে
 নর জাতি তেজোহীন
 নতুবা তাদের দেবতুল্য তেজ
 করিতাম কত দিন ।”
 এত কৈয়ে কান্ত হইল উৎসাহ
 নিখাসে হকার ছাড়ে ;

আশাকানন ।

কাঁপিতে কাঁপিতে প্রাণীর আবর্ত

নিরখি আশার আড়ে ;

মুহূর্তে শতক সহস্র পরাণী

ঘুরিতে ঘুরিতে যায়,

দ্বার দেশে পশি তিলান্ধেক কাল

ভূমিতে নাহি দাঁড়ায় ।

বিস্ময়ে তখন আশার সংহতি

নগরে প্রবিষ্ট হই

প্রবেশি নগরে ক্ষণকাল যেন

স্তম্ভিত হইয়া রই ;

পরে নিরীক্ষণ করি চারি দিকে

প্রাণী হেরি রঙ্গভূমে,

শত শত প্রাণী শত শত ভাবে

গতি করে মহা ধূমে ;

নিরখি কোথাও কেতন সুন্দর

বহুমূল্য বিরচিত ;

কোথাও চিত্রিত রঞ্জিত বসনে

ধরাতল পুসজ্জিত ;

কোথা চন্দ্রাতপ অত্র শোভা-কর

বিস্তৃত গগন ভালে ;

কোথা যবনিকা চিত্রিত হুকুল

আচ্ছাদিত হেমজালে ;

মুকুতা জড়িত বসনে আবৃত

তুরঙ্গ কুঞ্জর কত

পথে পথে পথে ক্ষিতি ক্ষুদ্র করি

গতি করে অরিরত ;

হীরক মণ্ডিত যান শত শত

পথে পথে করে গতি ;

আশাকানন ।

বসিছে তাহাতে অন্তরে স্মৃথিনী
 সিঞ্চিয়া স্নগন্ধি জলে ;
 কেহ বা চিকণ পরিয়া বসন
 করতলে মণিমালা
 ছলাইছে ধীরে, বাজুতে ঘুংঘুর,
 বাহুতে বাজিছে বালা ;
 চলে কোন ধনী ধীরে ধীরে ধীরে
 চারু কলা যেন শশী,
 যুবা কোন জন আঁকে রূপ তার
 ধীরে ধরাতলে বসি ;
 চলে কোন বামা রাজা-পদতল
 পড়ে ধরণীর বুকে,
 যুবা কোন জন কোমল বসন
 সম্মুখে পাতিছে স্মুখে,
 নিরখি কোথাও নারী কোন জন
 বসিয়া ধরণীতলে,
 কোলে স্কুমার হেরে শিশুমুখ
 ব্যজন করি অঞ্চলে ;
 প্রসন্ন-বদন দাঁড়িয়ে নিকটে
 হৃদয় বল্লভ তার
 হেরে প্রিয়ামুখে, কভু শিশুমুখে
 মৃদু হাসি অনিবার ;
 হেরি কোন খানে প্রণয়ীর ক্রোড়ে
 প্রমদা সোহাগে দোলে ;
 শশ চিহ্ন যথা পূর্ণ ষোলকলা
 শোভে শশাঙ্কের কোলে ;
 কোথাও দাঁড়িয়ে প্রাণী কোন জন
 ঘেরে তার চারি পাশ

চাতক যেমন আছে শত জন
 বদনে প্রকাশ আশ ;
 আনন্দে মগন সেই সুখী প্রাণী
 ধরিয়া কাঞ্চন ডালা
 পূরি করতল করে বিতরণ
 বিবিধ রতন-মালা ;
 তনয় তনয়া নিকটে যাহারা
 বান্ধব যতেক জন,
 বদন তাঁহার ভাবি শশধর
 সুখে করে নিরীক্ষণ ;
 কোথাও আবার ধূলি ধূসরিত
 সহস্র সহস্র প্রাণী
 করিছে ক্রন্দন ভার-ভগ্ন দেহ
 শিরে করাঘাত হানি ;
 যুবা, বৃদ্ধ, শিশু শ্বেদ-আর্দ্র বপু,
 বসন বিহীন কায়
 অনশনে ক্ষীণ, শিরে কক্ষে ভার,
 কত কোটি প্রাণী যায় ;
 হাসে খেলে কত কাঁদে কত প্রাণী
 ভাবে বসি কত জন,
 কেহ অন্ধকারে, কেহ বা মাণিক-
 কিরণে করে ভ্রমণ ;
 কত অপরূপ, কত কি অদ্ভূত,
 রহস্য এরূপ কত
 দেখি চক্ষু মেলি প্রাণী রঙ্গভূমে
 চলিতে চলিতে পথ ।

তৃতীয় কণ্ঠনা ।

রত্নোদ্যান—আকাজ্জা-ভবন—তন্নিবাসীদিগের নৃশংস
ব্যবহার—ও কঠোর রীতি নীতি ।

চলিতে চলিতে হেরি এক স্থানে
অপূর্ব নব অঞ্চল,
তরু শিরে ফল অতি মনোহর
কনকের পত্রদল ।

ছুটেছে সে দিকে কত শত প্রাণী
কত শত আসি কাছে

ফল পত্র হেরি তরুর শিখরে
উদ্ধমুখ হ'য়ে আছে ।

কোথাও তরুতে বরিছে রজত
বহিছে সুরভি বাস,
প্রাণীগণ তায় ঘেরিয়া চৌদিকে
করিছে কত উল্লাস ।

আশ্চর্য্য প্রকৃতি তরু সে সকল,
ঘুরিছে প্রদেশময়,

কভু মধ্যদেশে, কভু প্রান্তভাগে,
তিলেক স্তম্ভির নয় ;

ভ্রমিছে তাহার পশ্চাতে পশ্চাতে
প্রাণী হেরী কত জন,

তরু সরি সরি চলে যেই দিকে
সে দিকে করে গমন ;

ভ্রমে কত তরু, ভ্রমে তরু পার্শ্বে
প্রাণী হেন কত শত,

তৃতীয় কল্পনা ।

৩৩

সদা উর্দ্ধ্বাস, সদা উর্দ্ধ্বাহ,
অবিশ্রান্ত, অবিরত ;
ভ্রমে ক্ষিপ্ত প্রায় পথে নাহি চায়
তরু না পরশে তবু,
ছুটিতে ছুটিতে ত্যজি নাভিধ্বাস
তরুমূলে পড়ে কভু ।
কত তরু পুনঃ দেখি স্থানে স্থানে
স্থির হৈয়ে সেথা আছে ;
ঘোর বিসম্বাদ মহা গণ্ডগোল
হয় নিত্য তার কাছে ;
কত যে দুর্ভাক্য অশ্রাব্য কটুক্তি,
সতত সেখানে হয়,
শুনিতে জঘন্ত, ভাবিতে জঘন্ত,
মুখেতে বক্তব্য নয় ।
কোন প্রাণী যদি করে আকিঞ্চন
পরশিতে তরু অঙ্গ,
আঘাত, চীৎকার, কতই প্রকার
কে দেখে সে প্রাণী রঙ্গ !
দেখিলে তখন সে সব বিকট
ক্রুরমতি ভরঙ্কর,
মনে নাহি লয় সেই সব জন
বস্তুকরাবাসী নয় ।
সবার বাসনা উঠে তরু পরে
উঠিতে না পায় কেহ
এমনি অদ্ভুত বিপরীত মতি
প্রাণীর পিশাচ দেহ ;
কেহ যদি কভু সহি বহু ক্লেশ
উঠে কোন তরু পরে,

তরুর শিখরে উঠেছে যখন
তখন সকলে চায় ।
তরু হৈতে পুনঃ রতন পাড়িয়া
নামে শেষে ধরাতলে ;
তরু তলস্থিত প্রাণীগণ এবে
কেহ নাহি কিছু বলে ,
যায় দম্ব করি দেখায় রতন
ভয়ে সবে জড় সড়,
না পারে ছুঁইতে না পারে চলিতে
চরণে যেন নিগড় ।
বুঝিয়া তখন মম চিন্তভাব
আশা কহে “বৎস শুন
ভেবো না বিস্ময় এই তরুদলে
এমনি আশ্চর্য্য গুণ—
ছলে কিম্বা বলে কিম্বা সে কোশলে
যে পারে উঠিতে শিরে,
তাহারে এখানে কভু কেহ আর
পরশিতে নারে ফিরে ;
অন্তরে দাঁড়ায়ে স্বাপদ যেমন
গর্জ্জবে তখন সবে ;
অথবা নিকটে আসিয়া সত্বরে
পদ ধূলি তুলি লবে ;”
জিজ্ঞাসি আশারে এত কষ্ট সবে
রতন সঞ্চয় করে ;
কি বাসনা সিদ্ধি, কিবা মোক্ষপদ,
কোথা পায় পুনঃ পরে ।
আশা কয় “এথা আসিতে আসিতে
দেখিলে যতেক জন

অসম সাহসে প্রাণী সে সকল
 উঠে অল্প-অল্প ছেদি ;
 উঠে যেন ক্রমে দূর অন্তরীক্ষে
 আকাশে মিলিত হয় ;
 ঘেরি যেন দেহ সৌদামিনী সহ
 জলদ স্থস্থির রয় ।
 কোন বা প্রাসাদ মাঝে মাঝে কভু
 অতি গুরুতর ভারে
 পড়ে ভূমিতলে বিচ্ছিন্ন হইয়া
 চূর্ণকাচ চারিধারে ;
 প্রাণীর সোপান, আরোহী সে জন
 কাচ-বিনির্মিত গেহ
 ' নিমিষে অদৃশ্য নাহি থাকে কিছু,
 নাহি থাকে প্রাণী কেহ ।
 না পড়ে যাহারা, উঠিয়া শিখরে,
 ঘন সিংহনাদ ছাড়ে ;
 পড়িছে প্রাসাদ চারি দিকে যত
 নিরখি আনন্দ বাড়ে ।
 সে প্রাসাদমালা উপরে আশ্চর্য্য
 প্রাণী এক হেরি ভমে,
 বিজুলির লতা ক্রীড়া করে যেন
 প্রাসাদশিখরে ক্রমে ।
 আরোহী প্রাণীরা নিকটে আইলে
 মুকুট তুলিয়া ধরে ;
 অধৈর্য্য হইয়া প্রাণী সে সকল
 কিরীট শিরেতে পরে ;
 পরিয়া উজ্জল কিরীট মস্তকে
 বেগে নামে ধরাতলে ;

তৃতীয় কল্পনা ।

৩৯

ছাড়িয়া হুকার কাঁপায়ে মেদিনী

মহা দস্ত ভেঙ্গে চলে ;

বলে গর্ক করি পৃথিবী সৃজন

বল সে কাহার তরে,

না যদি সম্ভোগ করিবে এ ধরা

কেন বিধি সৃজে নরে ।

স্বর-বীর্ঘ্য ধরি যে আসে মহীতে

তাহারি উচিত হয়

ভুঞ্জিতে ধরাতে ঐশ্বর্য প্রতাপ,

পশু যারা ভাবে ভয় ।

ধর্ম লৈয়ে ভাবে পাবে কর্ম-ফল

পাবে মোক্ষপদ, হায় !

মর্ত্তে ইন্দ্রালয় করিতে পারিলে

স্বর্গপুরী কেবা চায় ।”

হেন গর্কভাব চলে দর্প করি

প্রাণী সে সকল হেরি,

অশ্রুত নয়নে শত শত প্রাণী

চলে চারি দিক ঘেরি ;

কেহ বলে কোথা জনক আমার

কেহ বলে ভ্রাতা কই,

কেহ বলে ফিরে দেও ধরানাথ

নাহি সে সম্বল বই ।

এইরূপে কত রমণী বালক

ক্রন্দন করিয়া ধীরে,

গলবস্ত্র হয়ে চলে কুতাজলি

সঙ্গে সঙ্গে সদা ফিরে ।

না শুনে সে বাণী সে ক্রন্দনস্বয়

সে প্রাণী শাদ্দুল প্রায়

আসিলে এখানে জুড়ায় তাপিত
হৃদয় শরীর প্রাণ !

ঈষৎ লজ্জিত ভাবে কহে আশা
“শুনরে বালকমতি,

আমার সেবক প্রাণী যত এথা
এ নহে তাদের গতি ;

ছুরাকাজ্জা নামে ছুরায়া পরাণী
কখন পশে এথায়,

হৃদম্ প্রতাপ দাপট তাহার,
নিবারিতে নারি তার ;

ভুলাইয়া প্রাণী ফেলয়ে কুপথে
অহি সম পূর্ণ-ছল,

বারেক যাহারে সে জন পরশে
করে তারে করতল ;

নাহি থাকে আর অধিকার মম
সে প্রাণী পশ্চাতে ধায়,

নাহি জানি পরে হয় কিবা গতি
বৃথা সে দোষ আমার ;

চল এই দিকে দেখিবে সেখানে
কিবা এ পুরী-মহিমা,

কেন এত জন প্রবেশে পুরীতে
ভাবিয়া এত গরিমা ।”

আমি কহি, চল ওই দিকে যাই
শুনি যেন কোলাহল

নিরখিব কিবা কেন কোলাহল
হয় পুরি সে অঞ্চল ।

অনেক নিষেধ করিলা আমারে
সে পথে যাইতে আশা ;

তবু কোন ক্রমে সম্বন্ধিত নাহি
 পরাণীর সে পিপাসা ।
 অনন্ত উপায় শেষে আশা মোরে
 লইয়া সে দিকে যায় ;
 নিকটে আসিয়া অতি ধীরে ধীরে
 প্রচ্ছন্ন ভাবে দাঁড়ায় ।
 দেখি সেই খানে তহু অস্থিসার
 প্রাণী এক বৃদ্ধ জরা ;
 শত গ্রন্থিময় বস্ত্র ধূলি স্পর্শে
 মলিন বস্ত্রতে পরা ;
 ধূলি পিণ্ডবৎ খাদ্য কিছু হাতে,
 কণা কণা করি তায়
 বাঁটিছে সকলে চারি দিকে প্রাণী
 ঘোর কোলাহলে ধায় ;
 ক্ষুধার্ত শাদ্দূল সদৃশ ছুটিছে
 যুবা বৃদ্ধ কত প্রাণী,
 বিলম্ব না সয় বণ্টন করিতে
 কাড়ি লয় বেগে টানি ;
 ক্ষুধানলে জলে জঠর সবার
 কি করে অন্তের কণা,
 পরস্পরে সবে করে কাড়াকাড়ি,
 নিব্বারে ক্ষুধা আপনা ।
 কত যে করণ, শুনি ক্ষুধা স্বর
 কত খেদ বাক্য হয় !
 শুনে স্থির-চিত্তে বারেক যে জন
 জনমে না ভুলে তায় ।
 দেখিলাম আহা কত শিশুমুখ
 বিগ্ন পুষ্পের মত,

কত অন্ধ ধঞ্জ রমণী দুর্বল
 চেয়ে আছে অবিরত ;
 অশ্রুজলে ভাসে গণ্ড বক্ষঃস্থল
 জনতা ভেদিতে চায়,
 নিকটে যে আসে অন্নকণা লৈয়ে
 লালচে নেহারে তায় ।
 হায় কত জন অধীর ক্ষুধায়
 নিরখি সেখানে ধায়,
 দুর্বল অবলা শিশু হস্ত হৈতে
 অন্ন কাড়ি লয়ে খায় ।
 সে প্রাণীমণ্ডলী কত যে অধৈর্য্য
 কত যে কাতরে আসে
 করিয়া চীৎকার মুহূর্ত্তে মুহূর্ত্তে
 সেই বৃদ্ধ প্রাণী পাশে ।
 কাঁদিতে কাঁদিতে অন্ন কণা কণা
 বণ্টন করে সে প্রাণী,
 নিত্য খিন্ন ভাব সদাই আক্ষেপে
 অতি কষ্টে কহে বাণী—
 কেন রে সকলে আ(ই) স এইখানে
 কোথা আর অন্ন পাব,
 বিধির বঞ্চনা ! তোদের লাগিয়া
 বল্ আর কোথা যাব ;
 এ পুরী ভিতরে নাহি হেন স্থান
 না করি যেথা ভ্রমণ ;
 নাহি যেন বৃত্তি চৌর্য্য কিম্বা ছল
 না করি যাহা ধারণ ;
 তবু নাহি ঘুচে কাঙ্গালের হাল
 কি কব কপাল দুষ্ট ;

কোথা পাব বল আহার তোদের
বিধাতা আমারে রুষ্ট ;

কেন এ পুরীতে করিস প্রবেশ
ভুঞ্জিতে এ হেন ক্লেশ,
প্রণী রঙ্গ ভূমি ধনীর আশ্রয়,
নহে কান্দালের দেশ !

তাপিত অন্তরে কহিহু আশায়
আর না দেখিতে চাই,

এ পুরী মহিমা গরিমা যতেক
এখানে দেখিতে পাই,

দেও দেখাইয়া বাহিরিতে দ্বার
পুনঃ যাই সেই স্থান ;

আসি যেথা হৈতে, দেখিয়া এ সব
অস্থির হয়েছে প্রাণ ।

মধুর বচনে আশা কহে “কেন
উতলা হইছ এত,

দেখাইব তোর বাসনা যেরূপ
যেবা তব অভিপ্রেত ;

কর্মভূমি নাম শুন এ নগরী
কর্মগুণে ফলে ফল,

বালমতি তুমি বুঝিহু তোমার
অন্তর অতি কোমল ;

কঠিন ধাতুতে নির্মিত যে প্রাণী
সেই বুঝে রঙ্গ এর ;

প্রাণী রঙ্গভূমে ভ্রমিতে আপনি
বিরিঞ্চি ভাবেন ফের ;

চল এই দিকে তব মনোমত
পদার্থ দেখিতে পাবে,

এ পুরী ভ্রমণ কোতুক লহরী
 তখন নাহি ফুরাবে ।”
 এত কৈয়ে আশা চলে আগে আগে
 সভয়ে পশ্চাতে যাই ;
 আসি কিছু দূর পুরী-মধ্যভাগে
 অচল দেখিতে পাই ।

চতুর্থ কল্পনা ।

শৈল—নিম্নভাগে প্রাণী সমাগম—আরোহণ প্রথা—ভিন্ন ভিন্ন
 শিখর দর্শন—ভিন্ন ভিন্ন যশস্বী প্রাণীমণ্ডলীর কীর্তিকলাপ
 দর্শন—বান্দীকির সহিত সাক্ষাৎ ।]*

নিকটে আসিয়া নিরখি সুন্দর
 অপূর্ব শিখর শ্রেণী ;
 শিখরে শিখরে কনক প্রদীপ
 যেন কিরণের বেণী ।
 শৈল চারিদিকে ভূষিত নক্ষন
 প্রাণী লক্ষ লক্ষ জন
 কুসুমে গ্রথিত মাল্য মনোহর
 শূন্তে করে উৎক্ষেপণ ;
 ঘন ঘন ঘন হয় জয় ধ্বনি
 ক্ষণেক নাহি বিশ্রাম,
 যেন উর্ষিরাশি জলরাশি অঙ্গে
 গতি করে অবিরাম ।
 প্রাণীবৃন্দ আসি একে একে সবে
 ক্রমে শৈলতলে যায় ;

চূড়াতে জ্বলিছে মাণিকের দ্বীপ
 সঘনে দেখিছে তার ।
 সে অচলে হেরি ঘেরি চারি দিক
 প্রাণী আরোহণ করে ;
 আমূল শিখর শৈল অঙ্গে প্রাণী
 অপরূপ শোভা ধরে !
 চলে ধীরে ধীরে শিরে শিরে শিরে
 অঙ্গে অঙ্গ পরশন,
 অবিরত স্রোত প্রাণীর প্রবাহ
 কোতুকে করি দর্শন ;
 শিলাতে শিলাতে পদ রাখি ধীরে
 উঠিছে পরাণীগণ,
 উঠিতে উঠিতে পড়ে কত জন
 স্থলিত হৈয়ে চরণ ;
 বটফল যথা বৃক্ষ হ'তে সদা
 খসিয়া পড়ে ভূতলে ;
 এথা সেইরূপ প্রাণী নিত্য নিত্য
 খসিয়া পড়ে অচলে ।
 পড়িয়া উঠিতে কেহ নাহি পারে
 কেহবা আরোহে পুনঃ ;
 সে প্রাণী প্রবাহ অবিচ্ছেদ গতি
 কখন না হয় উন ।
 লৈয়ে নিজ নিজ যে আছে সম্বল
 উঠিছে যতনে কত ;
 শিখরে শিখরে কনক প্রদীপ
 নেহারে স্মখে সতত ।
 উঠে প্রাণীগণ দীপ লক্ষ্য করি
 শীত গ্রীষ্ম নাহি জ্ঞান ।

আশাকানন ।

আগে আগে আশা চলিল সন্মুখে
অচলে পথ দেখাই ।

উঠিতে উঠিতে শুনি শূন্য পরে
স্বমধুর ধ্বনি ঘন

মস্তক উপরে ঘুরিয়া যেমন
সতত করে ভ্রমণ,

যেন শত বীণা বাজিছে একত্রে
মিলিত করিয়া তান,

শ্রবনে প্রবেশ করিলে তখনি
পুলকিত করে প্রাণ ।

শূন্যে দৃষ্টি করি রোমাঞ্চ শরীর,
বিস্ময় ভাবিয়া চাই,

কিবা কোন যন্ত্র, কিবা বাদ্যকর,
কিছু না দেখিতে পাই ।

হাসি কহে আশা “বৃথা আকিঞ্চন,
দৃষ্টি না হইবে নেত্রে ;

এ মধুর ধ্বনি নিত্য এই রূপে
নির্নাদিত এই ক্ষেত্রে ;

বীণা কি বাশরি কিবা কোন যন্ত্র
নিঃসৃত নহেক স্বর,

স্বতঃ বিনির্গত সুললিত সঙ্গ,
ভ্রমে নিত্য গিরিপর,

সদা মনোহর বায়ুতে বায়ুতে
বেড়াতে ঝঙ্কার করি,

কমলের দল বেষ্টিয়া যেমন
ভ্রমর ভ্রমে গুঞ্জরি ।”

শুনিতে শুনিতে আশার বচন
ক্রমশ অচলে উঠি,

যত উর্কে যাই তত সুমধুর
 ধ্বনি ভ্রমে সেথা ছুটি ।
 ছাড়ি অধোদেশ উঠিল যখন
 মধ্যভাগে গিরিকায় ;
 শরীর পরশি ধীরে ধীরে ধীরে
 বহিল মৃদল বায় !
 সে বায়ুতে মিশি সুমধুর ভ্রাণ
 করিল আমোদময় ;
 যেন সে অচল সুরভি মধুর
 সৌগন্ধে ডুবিয়া রয় ।
 অঙ্কুর চন্দন জিনিয়া সে গন্ধ
 পুষ্পগন্ধ যেন মৃদু ;
 মরি কি মধুর মনোহর যেন
 দেবের বাঞ্ছিত মধু !
 ভ্রমিছে সে গন্ধ ঘেরিয়া অচল
 প্রতি শিখরের চূড়ে ;
 ছুটিছে পবনে সে ভ্রাণ নিয়ত
 কতই যোজন যুড়ে ;
 নাহি হয় হ্রাস ক্রমে যত যাই
 ক্রমে বৃদ্ধি তত হয়,
 নাসারন্ধ্র যেন ঘ্রান পূর্ণ করি
 প্রাণ করে মধুময় ।
 সেই-গন্ধে মজি শুনি সেই ধ্বনি
 ভ্রমে সে অচল পরে ;
 ভ্রমিতে ভ্রমিতে কত কি অদ্ভুত
 দেখি চক্ষে সুখ ভরে ;
 নিরখি তাহার কোন বা শিখরে
 প্রাণী বসি কোনজন

অলিছে মুকুট, শিখর উপরে
 হয় যেন সূর্য্যোদয় ;
 হেরি দিব্য মূর্তি দিব্যাসনোপরে
 প্রাণী বৈসে কোথা সুখে,
 ধক্ ধক্ করি হীরা ধণ্ড সদা
 প্রদীপ্ত হইছে বৃকে ;
 হেরি-কত ঋষি স্থির শান্ত ভাব
 বসিয়া অচল-অঙ্গে
 গ্রহ করে পাঠ যেন ধ্যানধরি
 ভাসিছে ভাব-তরঙ্গে ।
 হেরি অপরূপ অচল প্রকৃতি
 প্রাণীগণ যত উঠে,
 ছাড়ি মধ্যদেশ স্থির হয় যেথা
 সেইখানে পদ্য ফুটে ;
 তখনি শিখরে হয় শৃঙ্গনাদ
 দশ দিক্ শব্দে পুরে,
 অচল-শরীর কাঁপায়ে নিনাদ
 প্রবেশে অমর পুরে ।
 প্রাণী সেই জন এবে দিব্য মূর্তি
 বৈসে চারু পুষ্প'পর ;
 উঠে অন্ত যত সে অচল-অঙ্গে
 পূজে তারে নিরন্তর ।
 স্তবকে স্তবকে সে ভূধর-অঙ্গে
 কত হেন পদ্যফুল
 উপরে উপরে দেখিলাম রঙ্গে
 কৌতুকে হৈয়ে আকুল !
 বিশ্বয়ে তখন জিজ্ঞাসি আশারে,
 আশা মূহু ভাষে কর

“তাজে জীবলীলা প্রাণী যে এখানে
 এই ভাবে এথা রয় ;
 প্রাণী রঙ্গভূমে জানাতে কারতা
 হয় শূত্রে সিংহনাদ ;
 শিখর উপরে আ(ই)সে দেবগণ
 করিরা কত আছ্লাদ ।
 এই যে দেখিছ প্রাণী যত জন
 পদ্মাসনে আছে বসি,
 ধরার ভূষণ প্রলয়ে অক্ষয়,
 মানব-চিত্তের শশী ;
 দেখ গিয়া কাছে তব পরিচিত
 প্রাণী এথা পাবে কত,
 বদন হেরিয়া করিয়া আলাপ
 পূর্ণ কর মনোরথ ।”
 একে একে আশা কাণে কহি নাম
 চলিল দেখায়ে রঙ্গে ;
 পুলকিত তনু দেখিতে দেখিতে
 চলিল তাহার সঙ্গে ।
 ব্যাস, কালিদাস, ভারবি প্রভৃতি
 চরণ বন্দনা করি,
 শঙ্কর আচার্য্য, খনা, লীলাবতী,
 মূর্ত্তি হেরি চক্ষু ভরি ;
 উঠিল সেখানে যেখানে বসিয়া
 বাল্মীকি অমর প্রায়
 আনন্দে বাজায়ে সুমধুর বীণা
 শ্রীরাম-চরিত গায় ।
 দেখিয়া আমারে অমর ব্রাহ্মণ
 দয়ার্দ্র-মানস হৈয়ে ;

দিল পদধূলি স্বদেশী জানিয়া
 আশু শিরশ্রাণ লৈয়ে ;
 জিজ্ঞাসিল হুঁরা অযোধ্যা-বারতা
 কেবা রাজ্য করে তায় ;
 ভারতীর পুত্র কেবা আর্ধ্যভূমে
 তাঁহার বীণা বাজায় ;
 কোন্ বীরভোগ্যা এবে আর্ধ্যভূমি,
 কোন্ ক্ষত্রী বলবান
 দৈত্য রক্ষকুল করিয়া দমন
 রক্ষা করে আর্ধ্যমান ;
 কোন্ আর্ধ্যসুত যশঃ-প্রভাঙ্ণে
 স্বদেশ উজ্জল মুখ ;
 দ্বিতীয় জানকী হৈয়ে কোন নারী
 স্নিগ্ধ করে পতি-বুক ;
 কেবা রক্ষা করে বেদ বিধি ধর্ম
 কোন্ বৃধ মহামতি
 ব্রাহ্মণ কুলের তিলক স্বরূপ
 সাধন করে উন্নতি ;
 কত এইরূপ জিজ্ঞাসে বারতা
 সুধাইয়া বারম্বার ;
 কি দিব উত্তর ভাবিয়া না পাই
 চক্ষে বহে নীরধার ।
 হেরে অশ্রুধারা করুণ বাক্যেতে
 ঋষি অতি ব্যগ্রমন
 আগ্রহে আবার অতি সম্বতনে
 কৈলা মোরে সন্তাষণ ।
 কহিলু তখন কি বলিব ঋষি
 কি দিব সম্বাদ তার—

তোমার অযোধ্যা তোমার কোশল
 সে আৰ্য্য নাহিক আর ;
 ডুবছে এখন কলঙ্ক-সলিলে
 নিবিড় তমসা তার ;
 সে ধনু-নির্ঘোষ সে বীণা-রঙ্কার
 আর না কেহ শুনায়,
 নিস্তেজ হ'য়েছে দ্বিজ ক্ষত্রীকুল
 বেদ ধর্ম সর্ব গিয়া,
 ভাসে গুণ্যভূমি অকুল পাথারে
 পরমুখ নিরখিলা ;
 সে বচন শুনি আৰ্য্য-ঋষিমুখ
 ধরিল যে কিবা ভাব,
 কি যে ভয়ঙ্কর ধ্বনি চতুর্দিকে
 আৰ্য্য-মুখে ঘন শ্রাব,
 ভাবিতে সে কথা এখন(ও) হৃদয়
 ভয়েতে কম্পিত হয়,
 অন্তরে অঙ্কিত রবে চিরদিন
 বাণীতে প্রকাশ্য নয় !
 যত ছিল সেথা আৰ্য্যকুলোদ্ভব
 মহাপ্রাণী মহোদয়,
 ঘোর বজ্রাঘাতে একেবারে যেন
 আকুলিত সমুদয় ।
 সে হুঃখ দেখিলা, দেখিয়া সে ভাবে
 আৰ্য্যস্বতে চিন্তাকুল ;
 তুলিয়া দর্পণ আশা কহে "ইথে
 চাহি দেখ আৰ্য্যকুল ;
 দেখরে দর্পণে ভবিষ্যতে পুনঃ
 ভারত কিরূপ বেশ ;

কত অন্ধ খঞ্জ রমণী দুর্বল
 চেয়ে আছে অবিরত ;
 অশ্রুজলে ভাসে গগু বক্ষঃস্থল
 জনতা ভেদিতে চায়,
 নিকটে যে আসে অন্নকণা লৈয়ে
 , লালচে নেহারে তায় ।
 হায় কত জন অধীর ক্ষুধায়
 নিরখি সেখানে ধায়,
 দুর্বল অবলা শিশু হস্ত হৈতে
 অন্ন কাড়ি লয়ে খায় ।
 সে প্রাণীমণ্ডলী কত যে অধৈর্য্য
 কত যে কাতরে আসে
 করিয়া চীৎকার মুহূর্ত্তে মুহূর্ত্তে
 সেই বৃদ্ধ প্রাণী পাশে ।
 কাঁদিতে কাঁদিতে অন্ন কণা কণা
 বণ্টন করে সে প্রাণী,
 নিত্য খিন্ন ভাব সদাই আক্ষেপে
 অতি কষ্টে কহে বাণী—
 কেন রে সকলে আ(ই) স এইখানে
 কোথা আর অন্ন পাব,
 বিধির বঞ্চনা ! তোদের লাগিয়া
 বল্ আর কোথা যাব ;
 এ পুরী তিতরে নাহি হেন স্থান
 না করি যেথা ভ্রমণ ;
 নাহি যেন বৃত্তি চৌর্য্য কিম্বা ছল
 না করি যাহা ধারণ ;
 * তবু নাহি যুচে কাঙ্গালের হাঙ্গ
 কি কব কপাল ছুই ;

আশাকানন ।

কোথা পাব বল আহার তোদের
বিধাতা আমারে রুষ্ট ;

কেন এ পুরীতে করিস প্রবেশ
ভুঞ্জিতে এ হেন ক্লেশ,
প্রণী রঙ্গ ভূমি ধনীর আশ্রয়,
নহে কাকালের দেশ !

তাপিত অন্তরে কহিনু আশায়
আর না দেখিতে চাই,

এ পুরী মহিমা গরিমা যতেক
এখানে দেখিতে পাই,

দেও দেখাইয়া বাহিরিতে দ্বার
পুনঃ যাই সেই স্থান ;

আসি যেথা হৈতে, দেখিয়া এ সব
অস্থির হয়েছে প্রাণ ।

মধুর বচনে আশা কহে “কেন
উতলা হইছ এত,

দেখাইব তোর বাসনা যেরূপ
যেবা তব অভিপ্রেত ;

কর্মভূমি নাম শুন এ নগরী
কর্মগুণে ফলে ফল,

বালমতি তুমি বুঝিনু তোমার
অন্তর অতি কোমল ;

কঠিন ধাতুতে নির্মিত যে প্রাণী
সেই বুঝে রঙ্গ এর ;

প্রাণী রঙ্গভূমে ভ্রমিতে আপনি
বিরিঞ্চি ভাবেন ফের ;

চল এই দিকে তব মনোমত
পদার্থ দেখিতে পাবে,

এ পুরী ভ্রমণ কোতুক লহরী
 তখন নাহি ফুরাবে ।”
 এত কৈয়ে আশা চলে আগে আগে
 সভয়ে পশ্চাতে যাই ;
 আমি কিছু দূর পুরী-মধ্যভাগে
 অচল দেখিতে পাই ।

চতুর্থ কল্পনা ।

শৈল—নিম্নভাগে প্রাণী সমাগম—আরোহণ প্রথা—ভিন্ন ভিন্ন
 র দর্শন—ভিন্ন ভিন্ন যশস্বী প্রাণীমণ্ডলীর কীর্তিকলাপ
 দর্শন—বান্দীকির সহিত সাক্ষাৎ ।]

নিকটে আসিয়া নিরখি সুন্দর
 অপূর্ব শিখর শ্রেণী ;
 শিখরে শিখরে কনক প্রদীপ
 যেন কিরণের বেণী ।
 শৈল চারিদিকে তৃষিত নয়ন
 প্রাণী লক্ষ লক্ষ জন
 কুম্ভমে গ্রথিত মাল্য মনোহর
 শূন্তে করে উৎক্ষেপণ ;
 ঘন ঘন ঘন হয় জয় ধ্বনি
 ক্ষণেক নাহি বিশ্রাম,
 যেন উর্ষিরাশি জলরাশি অঙ্গে
 গতি করে অবিরাম ।
 প্রাণীবৃন্দ আমি একে একে সবে
 ক্রমে শৈলতলে যায় ;

আশাকানন ।

চূড়াতে জ্বলিছে মাণিকের দ্বীপ
সঘনে দেখিছে তায় ।

সে অচলে হেরি ঘেরি চারি দিক
প্রাণী আরোহণ করে ;
আমূল শিখর শৈল অঙ্গে প্রাণী
অপরূপ শোভা ধরে !

চলে ধীরে ধীরে শিরে শিরে শিরে
অঙ্গে অঙ্গ পরশন,

অবিরত স্রোত প্রাণীর প্রবাহ
কোঁতুকে করি দর্শন ;

শিলাতে শিলাতে পদ রাখি ধীরে
উঠিছে পরাণীগণ,

উঠিতে উঠিতে পড়ে কত জন
স্থলিত হৈয়ে চরণ ;

বটফল যথা বৃক্ষ হ'তে সদা
খসিয়া পড়ে ভূতলে ;

এথা সেইরূপ প্রাণী নিত্য নিত্য
খসিয়া পড়ে অচলে ।

পড়িয়া উঠিতে কেহ নাহি পারে
কেহবা আরোহে পুনঃ ;

সে প্রাণী প্রবাহ অবিচ্ছেদ গতি
কখন না হয় উন ।

লৈয়ে নিজ নিজ যে আছে সম্বল
উঠিছে যতনে কত ;

শিখরে শিখরে কনক প্রদীপ
নেহারে স্মখে সতত ।

উঠে প্রাণীগণ দীপ লক্ষ্য করি
শীত গ্রীষ্ম নাহি জ্ঞান ।

নিরখি চৌদিকে কৌতুকে সেখানে

শস্যস্তুভ নতশির

কাঞ্চন বরণ মঞ্জরি পরিয়া

ভূষণ যেন মহীর ।

মনোহর চিত্র যেন সেই স্থান

চিত্রিত ধরণী বুকে ;

কিরণে সুন্দর চলে পথবাহী

প্রাণী সেথা কত সুখে ।

চলি কত পথ ক্রমে এইরূপে

আসি শেষে কত-দূর

নিরখি সম্মুখে চমকিত চিত্র

সুসজ্জ গৃহ প্রচুর ;

শোভে সৌধরাজি অত্র অঙ্গে যেন

চিত্রিত সুন্দর ছবি ;

রঞ্জিত করিয়া তাহে যেন সুখে

কিরণ ঢালিছে রবি ।

দেবালয় সব সেই সৌধ রাজি

সুৰচিত্ত মনোহর,

স্তরে স্তরে স্তরে অবিমুক্ত শ্রেণী

শোভিছে তটের পর ।

চলিছে তরঙ্গ ধরতর বেগে

ভিত্তি প্রকালন করি,

উঠিছে পড়িছে আবর্তে ঘুরিছে

সূর্য্য প্রভা জটে ধরি ;

ছল ছল ছল ছুটিছে তটিনী

কুল কুল কুল নাদ,

ধর ধর ধর কাঁপিছে সলিল

ঝর ঝর ঝরে বাধ,

হয় নিত্য নিত্য গীত বাদ্য ধ্বনি
 কত মত মহোৎসব,
 নিরত সেখানে ধ্বনিত কেবল
 সুখদ আমন্দ রব ।
 সহস্র বদন প্রাণী কত জন
 প্রতি দেবালয় দ্বারে
 পূজি অভিপ্রেত দেব নিজ নিজ
 উপনীত সেতু ধারে ।
 সেতুমুখে প্রাণী দেখি কত জন
 ধান তুর্কা লৈয়ে হাতে
 আশীর্বাদ করি করিছে পরশ
 পথিকমণ্ডলী মাথে ;
 দিয়া তুর্কা ধান ধরি করে করে
 দুই দুই সুখী প্রাণী
 জনেক পুরুষ রমণী জনেক
 বন্ধ করে উভপাণি ;
 বাধে গ্রহি দৃঢ় অঞ্চলে অঞ্চলে
 শুভ বিধি দৃষ্টি শুভ ;
 খুলিয়া অঙ্গুরী পরায় অঙ্গুলে
 শুচি মনে উভে উভ ;
 অগ্নি সাক্ষী করি মাণ্য করে দান
 কণ্ঠে কণ্ঠে এ উহার ;
 করেছে প্রতিজ্ঞা উভয়ে আনন্দে
 সেতু হৈবে দৌহে পার ।
 এই রূপে বাহু বাহুতে বান্ধিয়া
 প্রাণী দৌহে সেতু পর
 উঠিছে আনন্দে প্রকম্পিত বুক
 প্রক্ষুট মুখে অস্তর ।

কত হেন রূপ নিরখি কোতুকে
 মনোস্থখে নিরন্তর
 উঠিছে দম্পতী হাসিতে হাসিতে
 বিচিত্র সেতুর পর ।
 আশা কহে “বৎস সম্মুখে তোমার
 দেখ যে সুন্দর সেতু
 আমার কাননে কোশলে রচিত
 কেবল স্থখের হেতু ;
 পরিণয় হেতু নামে পরিচিত
 এ কানন মাঝে ইহা ;
 আ(ই)সে ইথে লোক মিটাইতে শেষে
 কানন ভ্রমণ স্পৃহা ;
 এই সেতু বাহি দম্পতী যে কেহ
 পারে হৈতে নদী পার,
 এ কানন মাঝে আছে ষত স্থখ
 নিত্য প্রাপ্তি হয় তার ।
 দেখিছ যে অই নদী অত্র পারে
 দিব্য উপবন ষত,
 প্রবেশিতে তায় আমার কোশলে
 আছে মাত্র এই পথ ;
 সদা প্রীতিকর, সতত সুন্দর,
 অই সব উপবন,
 পবিত্র নির্মল অতি রম্যস্থল
 প্রাণীর শান্তি-কানন ;
 বিচিত্র গঠন অপূৰ্ণ কোশলে
 সেতু বিরচিত এই,
 সেই হয় পার নিগূঢ় সন্ধান
 বুঝেছে ইহার যেই ।”

এত কৈরে আশা আমারে লইয়া

সেতু কৈলা আরোহণ ;

সেতু মুখে স্থখে নবীন আনিদে

কৌতুকে করি গমন ।

তুই ধারে দেখি রঞ্জিত বসন

ভূষিত সুন্দর সেতু ;

বসন্ত বায়ুতে স্তম্ভে স্তম্ভে তাহে

উড়ে শ্বেত পীত কেতু ;

গ্রন্থিত সুন্দর বন্ধনে বিবিধ

সজ্জিত কেতনকুলে

স্তম্ভ মাঝে মাঝে নবীন পল্লব

মঞ্জরী সহিত ছলে ।

বহিছে মৃদল মৃদল পবন,

পড়িছে শীতল ছায়া ;

মধুপ্রিয় পাখী বসিয়া পল্লবে

কিরণে ঝাড়িছে কায়া ;

উঠে চারুবাস বায়ু আমোদিয়া

চলিতে চলিতে যায় ;

চলে প্রাণীগণ মুগ্ধ নবরসে

বায়ু, গন্ধে স্নিগ্ধকায় ।

সেতু মুখে হেন যাই কত দূর,

পাই পরে মধ্যস্থান ;

ঘোর রৌদ্রতাপ সেথা ধরতর,

উত্তাপে আকুল প্রাণ ।

উত্তপ্ত বালুকা প্রচণ্ড কিরণে

করে দগ্ধ পদতল ;

ভ্রক কণ্ঠ তালু আকুল ভ্ৰুকার

প্রাণীগণ চাহে জল ।

নীচে ভয়ঙ্কর বহে বেগবতী
 স্রোতস্বতী কোলাহলে,
 ঘন ঘূর্ণিপাক ভীষণ গর্জন
 তীব্রতর বেগে চলে ।
 মাঝে মাঝে মাঝে ভুকম্পনে যেন
 সেতু করে টল টল ;
 ঘন হুঙ্কার বহে মাঝে মাঝে
 ছুরস্ত ঝাটি প্রবল ।
 অস্থির চরণ প্রাণী কত এবে
 মুখে প্রকাশিত ভয়,
 চঞ্চল নয়ন, অস্থির শরীর
 চলে কণ্ঠে সেতুময় ।
 যথা যবে ঝড়ে উৎপীড়িত বন,
 যতেক বিহঙ্গচয়
 ছিন্ন ছিন্ন দেহ রক্ষ শূক পাখা
 অস্থির শরীর হয়,
 আকুল নয়ন চাহে চতুর্দিক
 চঞ্চুপুট ভয়ে জড়,
 শূন্য কলরব ঘন তরুশাখা
 নখে নখে ধরে দড়,
 কত পড়ে তলে ভগ্ন শাখাসহ
 ভগ্ন পাখা, ভগ্ন পদ,
 পড়ে পুনঃ কত হৈয়ে গত-জীব
 চঞ্চুবিদ্ধ করি ছদ ;
 শত শত প্রাণী এথা সেই ভাবে
 সেতু হৈতে পড়ে জলে—
 সেতু-কম্পে কেহ, কেহ পিপাসায়,
 কেহ ঝাটিকার বলে ।

পড়ে একবার না পারে উঠিতে
বিষম তরঙ্গে ভাসে,
কত জন হেন পুনঃ কত জন
তলগামী আসে ।

কদাচ কখন ভাসিতে ভাসিতে
কেহ আসি লভে কুল,
কপালে যাদের ঘটে এ ঘটন
দৈব সে তাহার মূল ।
কতই পরাণী, নিরখি চমকি,
ভাসিছে নদীর জলে
সেতুমুখ স্থিত প্রাণীগণ সবে
দেখে তাহে কুতূহলে ;
কেহ ভাসে একা কেহ বা যুগল
নদীর আবর্তে ঘুরে ;
ভাসে নদীময় প্রাণী স্ত্রী পুরুষ
ছকুল আক্ষেপে পূরে ।
আসি কত জন তটের নিকটে
ক্ষণে বাড়াইছে হাত,
বালি মুঠা ধরি পুনঃ ঘূর্ণিজলে
ঘুরে পড়ে অকস্মাৎ ।
ভাসে এইরূপে প্রাণী কত জন
সেতু হৈতে পড়ি নীরে,
চলে অন্য প্রাণী সেতুর উপরে
দেখিতে দেখিতে ধীরে ।
দেখিয়া দুঃখেতে ভাবিতে ভাবিতে
আরো কত দূর যাই,
ছাড়ি মধ্য ভাগ ক্রমশঃ আসিয়া
সেতু প্রাপ্ত শেষে পাই ।

একানে নিরখি অতি মনোহর
 আবার শীতল ছায়া
 পড়েছে সেতুতে, পরপি তখনি
 শীতল হইল কারা ;
 পড়িছে যে এত প্রাণী নদী জলে
 তবু ছেরি সেই স্থানে
 লক্ষ লক্ষ জন চলেছে আনন্দে
 সদা প্রকল্পিত প্রাণে ;
 চলে চিত্তস্থখে সদাভৃষ্ট মন
 অক্ষুণ্ণ শান্ত হৃদয় ;
 অধুমক্ষি সম সে বনে তাহার
 কররে মধু সঞ্চয় ।
 কেন যে বিধাতা মবার ভাগ্যেতে
 এ ফল নাহিক দিল !
 কেন এত জনে বিমুখ হইয়া
 বিপাক-স্রোতে কেলিল !
 কেন বা যে হেন সেতুর নির্মাণ
 রচিত এত কোশলে !
 কেন এত প্রাণী উঠিয়া সেতুতে
 মগ্ন হয় গুনে জলে !
 এইরূপ চিন্তা ধরি চিন্তে নানা
 আশার সহিত যাই ;
 সেতু হৈয়ে গার প্রাণী শান্তিবন
 হাম্বিছে দেখিতে পাই ।

বর্ষ কল্পনা ।

প্রণয়োদ্যান—তাহাতে ভ্রমণ—অপূর্ব তরু-পুষ্প দর্শন—
সতীনিব্বার—প্রণয়ের মূর্তি—তাঁহার সহিত
সাক্ষাৎ ও আলাপ ।

যথা যবে ঋতু সরস বসন্ত
 প্রবেশে ধরণী মাঝে,
শোভে তরুলতা ধরি চারুবেশ
 নবীন পল্লব সাজে ;
ঝরে ধীরে ধীরে পত্র পুরাতন
 ছাড়িয়া বিটপী-অঙ্গ ;
চারু কিসলয় প্রকাশিত ধীরে
 পাইয়া মলয় সঙ্গ ;
নব চারু মৃৎ কিসলয় যত
 হরিত বরণ মাথা
পরিয়া সুন্দর মঞ্জরী মধুর
 বিকাশে তরুর শাখা ;
সে বসন্ত কালে যথা অপরূপ
 আনন্দ উথলে মনে,
হৃদয়ে অব্যক্ত সুখের প্রবাহ
 প্রকাশ্য নহে বচনে ;
এখানে প্রবেশি তেমতি আনন্দ
 উপজে হৃদয়ময় ;
শীত স্নিগ্ধ রস যেন সে এখানে
 বায়ুতে মিশ্রিত রয় ;
উদ্যান রচিত 'দেখি চারিদিকে
 প্রকাশিত চারু ছবি,

আশাকানন ।

স্তবকে স্তবকে সাজিছে সুন্দর
 বিবিধ শোভা প্রসবি ;
 অতি মনোহর উদ্যান সে সব
 পার্শ্বে পার্শ্বে অবস্থিতি,
 অঙ্গে অঙ্গে মিশি, মধু চক্রে যেন
 অপূর্ব-বিভাস রীতি ;
 প্রবেশের মুখ পৃথক সকলে
 তথাপি মিলিত সব ;
 প্রতি উপবনে নব নব ঘ্রাণ ।
 সদা হয় অনুভব ।
 আশা কহে “বৎস আমার কাননে
 স্থির শান্ত এই দেশ,
 ভ্রমিলে এখানে কিছু কাল সুখে
 ভুলিবে পথের ক্লেশ ।
 দেখে ভিন্ন ভিন্ন যত উপবন
 ভিন্ন ভিন্ন মেহ-স্থান ;
 সৌহার্দ প্রণয় প্রভৃতি যে রস
 সদা স্নিগ্ধ করে প্রাণ ।
 উচ্চ কোলাহল কটু তিস্ত স্বর
 না পাবে শুনিতে এথা,
 ধীরে ধীরে গতি, ধীর মিষ্ট ভাষা,
 এখানে প্রাণীর প্রথা ;
 সবে সত্যবাদী, সবে সখ্যভাব,
 পরিসঙ্গ প্রাণে প্রাণে ;
 এখানে প্রাণীরা ঘেব হিংসা ছল
 কেহ কভু নাহি জানে ।
 এখানে নাহিক বড় ঋতু ভেদ,
 সমভাবে সূর্য্যোদয়,

আমার কাননে মেহময় প্রাণী
 এই স্থানে তারা রয় ।”
 এত কৈরে আশা প্রণয় কাননে
 হাসিয়া করে প্রবেশ,
 অতুল আনন্দে মাতিল হৃদয়
 হেরিয়া মধুর দেশ ।
 লতা-গৃহ সেথা হেরি চারি ধারে,
 অপূর্ব কিরণ ময়,
 অমরাবতীতে যেন দেব গৃহ
 তারকা ভূষিত রয় ।
 পুষ্পময় পথ, মৃত্তিকা পরশ
 নাহি হয় পদতলে ;
 তরু হৈতে স্বতঃ চারু সুকুমার
 পুষ্প পড়ে বৃষ্টি ছলে ।
 প্রতি গৃহদ্বারে সুখে চক্রবাক
 চকোর ভ্রমণ করে ;
 বায়ুর হিল্লোলে নিরবধি যেন
 সুধাধারা সেথা বরে ।
 শোভে তরুরাজি সে প্রদেশময়
 ধরে অপক্লপ ফুল,
 অপূর্ব প্রকৃতি অবনী ভিতরে
 নাহিক তাহার তুল ;
 যতক্ষণ থাকে শাখার উপরে
 শোভামাত্র দৃষ্টি তার,
 মধুর সৌরভ বহে সে কুসুম
 গাঁথিলে হৃদয়ে হার ;
 আপনি গ্রথিত হয় সে কুসুম
 বৃন্তে বৃন্তে স্বতঃ যুড়ে ;

আশাকানন ।

কিন্তু পুনঃ আর নাহি যুগ্ম হয়
বারেক যদিপি তুড়ে ।

প্রতিক্রমে ধরে নব নব ভাব
নবীন মাধুরী তায় ;

নেহারি আনন্দে প্রতি ক্রমে ক্রমে
নূতন পত্র ছড়ায় ;

প্রতি ক্রমে তাহে নবীন সৌরভে
নবীন পরাগ উঠে,

আসিলে নিকটে আপনা হইতে
তরু ছাড়ি হৃদে লুটে ।

কত তরু হেন নিরখি সেখানে
শ্রেণীবদ্ধ দলে দলে ;

ক্রমে স্মৃথে কত যুগল পরাণী
নিয়ত তাহার তলে ;

করতল পাতি তরুতলে যায়,
সেই মনোহর ফুল

পড়ে কত তায়, পরাণী সকলে
আনন্দে হয় আকুল ;

পাতিয়া অঞ্চল দাঁড়ায় হুজনে
গিয়া কোন তরুমূলে,

মুহূর্ত্ত ভিতরে পরিপূর্ণ তাহা
হয় মনোমত ফুলে ।

প্রতি তরুতলে ক্রমে দুই প্রাণী
তরু বৃষ্টি করে ফুল ;

যেন বা আনন্দ হেরিয়া তাদের
আনন্দিত তরুকূল ।

যথা সে পবিত্র কণ্ঠের আশ্রমে
হেরে শকুন্তলা স্মৃথ ;

শাখা নত করি পুষ্প ছড়াইল
 ফুল তরু ফুল-মুখ ;
 সেইরূপ হেরি প্রেমস্বী যথন
 আসে এথা তরু তলে,
 তরু নত শিরে করে আশীর্বাদ
 করি কুমুম দলে ।
 সে ফুলের মালা পরিয়া গলায়
 প্রণয় প্রফুল্ল প্রাণ
 হেরি কত প্রাণী ভ্রমিছে সেখানে
 লভিয়া কুমুম প্রাণ ;—
 চাপা ফুল হের বরণের শোভা,
 সুন্দর মনিম আঁখি ;
 চলে কত রামা, বলভের দেহে
 মুখে বাছলতা রাখি ;
 কোন সে যুবক চলে মনঃসুখে
 বাধি নিজ ডুজপাশে
 কমল কোরক সদৃশ তরুণী
 অর্ধক্ষুট মূর্ত হানে ;
 চলেছে মোহাগে কোন বা সুন্দরী
 ফুল বিকশিত ছবি,
 লোহিতঃসুন্দর গণ্ডে প্রক্ষুতিত
 ওলাব রঞ্জিত রবি ;
 আহা কোন রামা স্মিতচাক্ষুণী
 প্রেমস্বীর বাছকুলে
 চন্দ্রকর মাধব লেফাঙ্গিকা হেন
 চলেছে গুণ্ডন মূলে ;
 কাছার বদনে ছুটিয়া লাড়িছে
 মধুর সুন্দর হাস,

আশাকানন ।

সহকার কোলে সরস মঞ্জরী
 বসন্তে যেন প্রকাশ ;
 চলেছে মৃগেন্দ্রে জিনিয়া কটিতে
 কোন রামা মনঃসুখে
 পূর্ণ ষোলকলা যৌবনে প্রকাশ,
 আড়ে হেরে প্রিয়মুখে ;
 প্রিয় চারু করে রাখি নিজ কর
 প্রফুল্ল উৎপল যেন
 চলেছে চঞ্চল পঙ্কজ নয়না
 আঁহা কত রামা হেন ;
 নীলপদ্ম যেন ভ্রমে কত নারী
 মধুর মাধুরী ধরি,
 সুখিনী মহিলা প্রিয় অঙ্গে অঙ্গ
 সুখে সুমিলন করি ।
 দেখি স্থানে স্থানে কৌতুকে সেখানে
 কত উৎস মনোহর,
 সুধার সংকাশ সলিল ছড়ায়
 পড়িছে সহস্র ঝর ;
 পড়িছে নির্ঝর মরি রে তেমতি
 চারি ধারে ধীরে ধীরে,
 পুরাণে লিখন জাহ্নবী যেমন
 জটায় শিবের শিরে ।
 কোথা সে ভূতলে ভূপতি-ভবনে
 শ্বেত শীলা বিরচিত,
 ক্রীড়া-উৎস সব মহিষী মোহন
 মানিক্য স্বর্ণ মণ্ডিত !
 উঠিছে নির্ঝর সে কাননময়
 নিত্য ক্রিতিতল ফুটে,

শত ধারা হ'য়ে ভাঙ্গিয়া ভাঙ্গিয়া
 পুষ্প যেন পড়ে ফুটে ;
 নীল কৃষ্ণ শ্বেত আদি বর্ণ যত
 নিন্দিত করি শোভায়
 প্রতি ধারা অঙ্গে কত রঙ্গে তাহে
 অপূর্ব বর্ণ ছড়ায় ।
 ঝরিছে নিরঝর ধারা হেন কত
 প্রণয় অঞ্চল অঙ্গে
 দেখিলে নয়ন ফিরিতে না চায়
 নেহালে ভুলিয়া রঙ্গে ।
 ফুটে কত ফুল ঘেরি উৎস সব
 অমর নন্দন ভাতি ;
 নন্দনে তেমন বুঝি বা সুন্দর
 নাহি পুষ্প হেন জাতি ।
 অতুল সৌন্দর্য্য সে সব কুসুম
 নাহি কভু বৃদ্ধি হ্রাস ;
 নিরবধি শোভা ফুটে সমভাবে
 নিরবধি ছুটে বাস ।
 অতি শূন্যগামী চকোর প্রভৃতি
 স্বর্গীয় বিহঙ্গ যত,
 মূঢ় কল স্বরে ধারা ধারে ধারে
 স্মৃথে ভ্রমে অবিরত ।
 হেরি কত প্রাণী আসি উৎস পাশে
 ধারা জলে করি স্নান ;
 নিমেষ ভিতরে নিশ্চল শরীর
 ধরে সুধাসম ঘ্রাণ ।
 হেরি কত পুনঃ পরণী বিশ্বয়ে
 পরশনে সেই বারি

পাষণ হইয়া হারাম সন্ধি
চলিতে চিন্তিতে নারি।

কত যে পুরুষ হেরি হেন ভাব
নির্বর নির্বর পরশে ;

কত সে রমণী পাষণ মূর্তি
চক্ষু-জলে সদা ভাসে।

চিন্তিলা না পাই কারণ তাহার
আশারে জিজ্ঞাসা করি

কেন সে প্রাণীরা সলিল পরশে
থাকে হেন ভাব ধরি !

হাসি কহে আশা “শুন রে বালক
অতি গুচি এই জল,

পবিত্র মানস প্রাণী যেই জন
পরশি হয় শীতল ;

অপবিত্র দেহ অপবিত্র প্রাণ
যে ইহা পরশ করে,

তখনি সে জন সলিল-মাহাত্ম্যে
পাষণ মূর্তি ধরে ;

কাঁদে চিরকাল এইভাবে সদা
চলৎ শক্তি হীন,

অহুতাপ হেরে অন্য প্রাণী যত
স্নিগ্ধ হয় অহুদিন ;

সতী-বধ নামে এ সব নির্বর
সুপবিত্র বারি আভি,

পরশে যে নারী সলিল ইহার
লভে যশঃ নাম সতী ;

পুরুষ যে জন করে ইথে মান
জিতেন্দ্রির নাম তার,

ধরাধামে থাকি লভে স্বর্গ সুখ
 আনন্দ লভে অপার ।
 কঠোর সাধনা প্রণয়ে যাহার
 পবিত্র নিঃশল মন,
 পর চিন্তা চিতে জনমে যে প্রাণী
 করে নাই কোন ক্ষণ,
 সেই নারী নর পরশে এ বারি,
 অন্যে না ছুঁইতে পারে ;
 অন্যে যে পরশে অপবিত্র মনে
 অই দশা ঘটে তারে ।”
 নিরখি নিব্বর নিকটে সে সব
 ভ্রমে প্রাণী এক জন
 মধুময় হাসি, মধুর মাধুরী
 অঙ্গেতে করে ধারণ ;
 স্মৃতি সুললিত আকৃতি তাহার
 দেহকান্তি নিরূপম,
 মুখে দিব্য ছটা অধরে মতত
 মুছ হাসি সুধাসম ;
 গলে প্রক্ষুটিত প্রীতিকর দাম
 গ্রন্থিত অপূর্ব কুলে ;
 স্বতঃ নিনাদিত মধুর বাদিত
 ললিত বাহুর মূলে ;
 সুখে করি গান ভ্রমে করে করে
 সরল স্মিষ্ট ভাষে ;
 বিমল বদনে নিরমল জ্যোতি
 সূর্য-আভা পরকাশে ।
 নিব্বর বিলাসী প্রাণীগণ তারে
 কত সমাদর করে ;

আশাকানন ।

বসায়ৈ নিকটে আনন্দে বিহ্বল

শুনে গীত প্রেম ভরে ।

হেরি কতক্ষণ ছিজ্জাসি আশারে

কেবা মে অপূর্বজন,

তুষ্টি এ সবারে নির্বরে নির্বরে

এরূপে করে ভ্রমণ ?

আশা কহে হাসি “এই যে পরাণী

দেখিতে হেন সূঠাম,

প্রণয়-কাননে চিরদিন বাস,

সন্তোষ ইহার নাম ।”

সে যুবা প্রসঙ্গে করি আলাপন

আশার সহ উল্লাসে

‘ চলিতে চলিতে আসি কিছু দূর

এক লতাগৃহ পাশে ;

হেরি তার মাঝে প্রাণী এক জন

অন্য জন পাশে বসি ;

মেঘের আড়ালে উদয় যেমন

পূর্ণকলা চারু-শশী !

বসি তার কাছে সতৃষ্ণ নয়ন

চাহিয়া বদন তার,

কতই সূক্ষ্মা কতই যতন

করে হেরি অনিবার ।

নির্বাণ উন্মুখ প্রদীপ যেমন

ক্ষরে স্নিগ্ধ ক্ষণে জলে,

প্রাণী সেই জন বিকাশে তেমতি

কিরণ মুখমণ্ডলে ।

নাহি অন্য আশা নাহি অন্য তৃষা

কেবল বদনে চায় ;

সূর্য্য অংশু রেখা পড়ে যদি তাহে

কেশ জালে ঢাকে তায় ।

নিষ্পন্দ শরীর যেন সে অসাড়

হৃদয় ছাড়িয়া প্রাণ

আসিয়া যেমন নিবিড় হইয়া

নয়নে পেয়েছে স্থান ।

মলিন বদন প্রাণী অশ্রু জন

দেখাইছে বিভীষিকা

কত যে প্রকার নিমেষে নিমেষে

বর্ণেতে অসাধ্য লিখা ;

কখন বা বেগে কর্ণে চাপি কর

করিছে নিশ্বাস রোধ ;

কখন বা নখে ছিঁড়ি ওষ্ঠাধর

উঠিছে করিয়া ক্রোধ ;

কখন মাটিতে ভাঙ্গিছে ললাট,

রুধির করিছে পাত,

কড়ু সর্ব্ব অঙ্গে ধূলি ছড়াইয়া

বক্ষে করে করাঘাত ;

কখন গর্জন করিছে বিকট

দন্তে দন্তে ঘরষণ,

কখন পড়িছে ধরাতল পরে

সংজ্ঞাহীন বিচেতন ;

প্রাণী অশ্রু জন নিকটে যে তার,

কতই যতনে, হার,

সেবিছে তাহায় করিছে সূক্ষ্মা

ঘুচাইতে সে মুচ্ছায় ।

কড়ু ধীরে ধীরে করশাখা খুলে

মার্জিছে হৃদয়দেশ ;

মৃৎ কলধ্বনি মধুর কূজন
 কুহরে ঘন গলায়—
 দেখে পরস্পরে দৌহে মনঃ স্মৃথে
 লভিয়া প্রণয় ভ্রাণ ;
 আনন্দ পুলকে পুলকিত তনু,
 স্মৃথে পুলকিত প্রাণ ;—
 দেখেছি অনেক সেইরূপ ভাব
 প্রণয় প্রকাশ, হাস,
 প্রণয়ী জনের প্রেমের অনলে
 বদন বহির প্রায় ;
 কিন্তু কভু হেন বিশুদ্ধ প্রণয়,
 নির্মল মেহের ক্ষীর
 নাহি দেখি চক্ষে মানব শরীরে •
 প্রগাঢ় হেন গভীর ।
 কতই উৎসুক অন্তরে তখন
 হেরি সে প্রাণীবদন ;
 নব জলধর নিরখে যেমন
 চাতক উৎসুক মন ;
 অথবা যেমন ধনাঢ্য আগারে
 হুঃখী হেরে ধনরাশি ;
 স্মৃথে নিরস্তর নিরখি তেমতি
 আনন্দ বাস্পেতে ভাসি ।
 পাইয়া স্বযোগ গিয়া কাছে তার
 বিনয়ে জিজ্ঞাসা করি,
 কিরূপে একপে থাকে সে সেখানে
 এক ধ্যান চিন্তে ধরি,
 কি স্মৃথে উন্মাদে লৈরে করে সেবা
 সহে নিত্য এত ক্লেশ,

আশাকানন

কেন সে মণ্ডপে জাগ্রত সতত
থাকিতে এতেক দেশ ।

সম্বন্ধ বীণাতে পড়িলে যেমন
সহসা কাহার কর,
আপনা হইতে উঠে সে বাজিয়া
নিঃসারি মধুর স্বর ;

সেইরূপ ভাব কহে সেই জন
জ্যোৎস্না যেন মুখে ফটে,
কি স্থখ সম্ভোগ করে সে সতত
কি আনন্দ প্রাণে উঠে ;

কহে সে “কেমনে বুঝাব তোমায়
কিবা যে আনন্দে থাকি,

এ লতা মণ্ডপে বসিয়া ইঁহারে
কেন এ যতনে রাখি ;
প্রণয়ী যে নয় কেমনে বুঝিবে
প্রণয়ের কিবা প্রথা ;

মরু কি জানিবে স্রোত ধারা কিবা
মধুময় তরুলতা !

বসি এই খানে ছল্যোক ভুবন,
বৈকুণ্ঠ দেখিতে পাই ;

জলনিধি মেঘ বায়ু ব্যোম ধরা
সকলি ভুলিয়া যাই !

ভাবি যেন মনে আসি সুরবালা
আনিয়া স্বর্গের রথ

ঘেরিয়া আমারে লইয়া বিমানে
চলে বহিঃশূন্য পথ,

প্রবেশি স্বর্গে নিরখি সেখানে
নন্দনবনের কুল,

শুনি দেবধ্বনি হেরি মনঃস্বখে
 মন্দাকিনী মদীকূল ;
 দেববৃন্দ সেথা দেখায় আমারে
 আনন্দে অমরালয় ;
 তারা, শশধর অমৃত ভাণ্ডার,
 সুর সুখ সমুদয় !
 কেমনে বুঝাব সে সুখ তোমাতে
 বাণীতে বর্ণিব কিবা—
 দিবাকর জ্যোতিঃ জ্যোতি যে কিরূপ
 তাহা সে প্রকাশে দিবা !”
 যথা হতাশন পরশে যেমন
 যখন গৃহের ছদ ;
 প্রথমে প্রকাশ ধূম অনর্গল
 শেষে অনলের হ্রদ ।
 বলিতে বলিতে সেইরূপ তার
 বদন পূরে ছটায়,
 নেত্রে বাষ্পধূম নিমেষে শরীর
 প্রদীপ্ত বহির প্রায় ।
 পরে পুনরায় সেই প্রাণী পাশে
 এক চিন্তা এক ধ্যান
 ধরিয়া আবার প্রাণী সেইজন
 পুনঃ কৈলা অধিষ্ঠান ।
 নিদাঘ তাপিত বিহগ যেমন
 পাইলে বরষা জল,
 স্বখে ধৌত করে আর্দ্র পক্ষ রেদ,
 স্নানে হয় স্নানীতল ;
 শুনে বাণী তার তেমতি শীতল
 পরাণ হইল মম ;

আশাকানন ।

হেরি বার বার- ফিরে ফিরে চাহি
 সেই মুখ সুধাসম ।
 অতৃপ্ত নয়নে হেরি কতবার,
 ভাবি কত মনে মনে—
 ভাবি নিরমল মাধুরী তেমন
 বুঝি নাই ত্রিভুবনে ।
 বিস্ময় ভাবিয়া চাহি আশামুখ,
 আশা বুঝি অভিলাষ;
 কহিলা তখন আনন্দে হাসিয়া
 বদনে মধুর ভাষ ;
 “এই যে পরাগী এ কাননে মম
 হেন সুখী নিরমল
 প্রণয় নামেতে ভুবন বিখ্যাত,
 নিত্য সেবে ভূমণ্ডল ।”
 শুনি আশাবাগী রোমাঞ্চ শরীর
 আকুল হইয়া চাই ;
 প্রাণের হতাসে প্রণয় ভাবিয়া
 বিধিরে স্মরিয়া যাই ।

সপ্তম কল্পনা ।

স্নেহ-উপবন—মাতৃস্নেহ—শাস্ত্রনা-মন্দির—দ্বারদেশে ভ্রান্তির

সহিত সাক্ষাৎ ।

আশার আশ্বাসে চলিহু পশ্চাতে
 প্রণয় অঞ্চল মাঝে ;
 আসি কিছু দূর দ্বিবা বাপী এক
 সম্মুখে হেরি বিরাজে ।

মনোহর বাপী গভীর সুন্দর
 থই থই করে জল ;
 স্থির শান্ত নীর সুগন্ধি রুচির
 অতি স্বচ্ছ নিরমল ।
 দাঁড়াইলে তীরে অপূর্ব সৌরভ
 পরাগ করে শীতল ;
 হেন ভ্রান্তি হয় মনে নাছি মানে
 আছি যেন ধরাতল ;
 সলিল তেমন কভু ক্ষিতিতলে
 চক্ষে না দেখিতে আসে,
 সুধা দেখি নাই জানিয়াছি সুধু
 ঋষির বাক্য আভাসে ;
 না জানি সে বারি সুধা কিনা সেই
 আশা-বনে পরকাশ,
 এমন নিশ্চল এমন সুরভি
 এমনি সুচারু ভাস !
 বাপী চারি ধারে প্রাণী লক্ষ লক্ষ
 দাঁড়িয়ে গাঢ় ভকতি ;
 করে নিরীক্ষণ নিশ্চল সলিল
 সতত প্রসন্ন-মতি ।
 দাঁড়িয়ে তটেতে হাতে হেম-পাত্র
 অপরূপ এক নারী ;
 আইসে যত প্রাণী সতত সকলে
 কিতরণ করে বারি ;
 কিবা মূর্ত্তি তার কি মাধুরী মুখে
 কিবা সে অধরে হাস !
 বিধাতা যেমন জগতের সুখ
 একত্রে কৈলা প্রকাশ !

আশাকানন।

হাসি নাহি ধরে মধুর অধরে
 নুটাইয়া পড়ে ভূমে ;
 হাত বাড়াইয়া উঠিয়া আবার
 ধরিতে ধাইছে ধূমে !
 কোন শিশু ধয়ে ধরে ধনু-অঙ্ক
 অমনি মিলিয়ে যায় ;
 আবার ফুটিয়া নূতন নূতন
 নয়ন-পথে বেড়ায় !
 খেলে শিশুগণ মনের হরবে
 সে বাপী তীরেতে স্মখে ;
 তরুণ তপন সুন্দর-কিরণ
 ভাতিয়া পড়েছে মুখে ;
 হাসিছে নয়ন হাসিছে অধর
 বদনে ফুটিছে আলো,
 না জানি তেমন অমরাবতীতে
 আছে কি কারণ ভালো ।
 হেরে সে আনন্দ রোমাঞ্চ শরীর
 কত চিন্তা করি মনে,
 ভাবি বুঝি হেন নিরমল স্মখ
 নাহি ভুঞ্জে কোন জনে ;
 ভাবি বুঝি ব্যাস বাল্মীকি তাপস,
 করেছিল দরশন,
 মর্ত্তে স্বর্গপুরী ভুবনে অতুল
 আশার মেহ-কানন ;
 তাই সে গোকুলে, তপস্বী আশ্রমে,
 ছড়ায় আনন্দরস
 গান্ধীলা মধুর সুললিত হেন
 জননী মেহের মণ !

ভাবি মর্ত্যধামে থাকিতে এ পুরী
 আবার কি হেতু লোক
 যাইতে কামনা করে স্বর্গপুরী
 ছাড়িয়া মরত লোক ?
 ভুলিয়া সে ভ্রমে ভাবিতে ভাবিতে
 মৃত্যুরূপ পুনঃ স্মরি ;
 কাতর অন্তরে উৎসুক হইয়া
 আশারে জিজ্ঞাসা করি
 এই ভাবে নিত্য এ শোভা প্রকাশ
 থাকে কি তোমার বনে ?
 এ আনন্দ ধারা নাহি কি শুকায়
 মৃত্যুশিখা পরশনে ?
 ধরাতে সে জানি বিধির ছলনে
 বৃথা সে শৈশব নিধি !
 কৈশোরে রাখিয়া মৃত্যু-ফণী শিরে
 মানবে বঞ্চিলা বিধি !
 এ কাননে পুনঃ আছে কি সে কীট
 দারুণ করাল কাল ?
 আশারও কাননে এ স্বর্গ-পুঙ্খনি
 পথে কি আছে জঞ্জাল ?
 শুনি কহে আশা “কখন এখানে
 পড়ে সে কালের ছায়া,
 কিন্তু সে ঋণিক, নিবারি তাহাতে
 নিমেষে প্রকাশি মায়া ।
 অশেষ কোশলে করেছি নিশ্চয়
 দিব্য অটালিকা ফুলে ;
 শোকতপ্ত প্রাণী প্রবেশে যে তায়
 তখনি সকল ভুলে ।

আশাকানন ।

প্রবেশি তাহাতে পায় নিরখিত্তে

যে যাহা হয়েছে হারা—

প্রণয়ী, প্রেমিকা, দারা, স্নত, ভ্রাতা,

হেন সে প্রাসাদ ধারা ।

চল দেখাইব” বলি চলে আশা,

যাই পাছে কুতুহলে ;

আসি কিছু পথ হেরি অটালিকা

শোভিছে গগন-তলে ।

কি দিব তুলনা ? তুলনা তাহার

নাহি এ ধরার মাঝ !

ভুলোকে অতুল তাজ-অটালিকা

সেহ হারি মানে লাজ !

পরীর আলয় স্বপনে দেখিয়া

বুঝি কোন শিল্পকর

রচিলা সে তাজ করিয়া সুন্দর

মানবের মনোহর ।

শুভ্র চন্দ্র-করে শিলা ধৌত করি

রাখিয়াছে যেন গাঁথি ;

চুণী পান্না মণি হীরক প্রবাল

তাহাতে সুন্দর পাঁতি ;

লতায় লতায় শোভে ভিত্তিকায়

কতই হীরার ফুল ;

মণি পদ্মরাগ মণি মরকত

সৌন্দর্য্য শোভা অতুল ;

নীল কুম্ভ পীত লোহিত বরণ

মাণিকের কিবা ছটা ;

মাণিকের লতা মাণিকের পাতা

মাণিকের তরুজটা ;

চামেলি, পঙ্কজ, কামিনী বকুল,
 কত যে কুসুম তায়
 রতনে খচিত রতনে জড়িত
 ভিত্তি অঙ্গে শোভা পায় ;
 কিবা মনোহর গোলাপের ঝাড়
 সুন্দর পদ্মের শ্রেণী
 খুদিয়া পাষাণে করেছে কোমল
 যেন নবনীতে ফেণি ;
 দেখিলে আলয় পাষণ বলিয়া
 নাহি হয় অনুমান ;
 ভ্রমে ভুলে আঁখি উপজে প্রমাদ
 পুষ্পতনু হয় জ্ঞান !
 ভিতরে প্রবেশি শিলা অঙ্গে আভা
 আহা কিবা মনোহর
 যেন সে পূর্ণিমা চাঁদের জ্যোৎস্না
 হরে তাহে নিরন্তর ।
 এ হেন সুন্দর অট্টালিকা তাজ,
 তুলনাতে সেহ ছার ।
 নিরখি আসিয়া অট্টালিকা সেথা,
 হেরে হই চমৎকার ।
 কত কাচ খণ্ড স্থানে স্থানে মরি
 জ্বলিছে প্রাসাদ গায় ;
 যেন মনোহর সহস্র মুকুর
 প্রদীপ্ত আছে প্রভায় ।
 হেরি কত প্রাণী প্রবেশিছে তায়
 ম্লান-মুখ মৃদুগতি,
 চিন্তা সমাকুল বদন নয়ন
 শরীরে নাহি শক্তি ;

আশাকানন ।

কতই যতনে ধরেছে হৃদয়ে
 স্নগন্ধি কার্ঠের পুট,
 মুখে মৃদু রব করিছে নিম্নত
 স্নমধুর অর্ধ স্ফূট ;
 খুলিয়া খুলিয়া পুট হৈতে তুলি
 দ্রব্য করি বিনির্গত ।
 রাখি বন্ধ পরে ধীরে লয় ঘ্রাণ
 আদরে যতনে কত,
 কখন বা ছুংখে করিছে চুম্বন
 সে পুট হৃদয়ে রাখি,
 কখন মস্তকে করিছে ধারণা
 মনস্তাপে মুদি আঁখি ।
 'এরূপে আলয়ে করিয়া প্রবেশ
 ব্রমে তাহে কতক্ষণ ;
 শেষে ধীরে ধীরে আসি ভিত্তিপাশে
 ঈষৎ তুলে বদন,
 যেমনি নয়ন পড়ে কাঁচ অঙ্গে
 অমনি মধুর হাস
 বদন নয়ন অধর ওষ্ঠেতে
 ক্ষণে হয় পরকাশ ।
 তখনি বিরূপ হয় পূর্ব ভাব
 ভুলে স্বত পূর্ব কথা ;
 হাসিতে হাসিতে প্রফুল্লঅস্তরে
 গৃহে ফিরে নব প্রথা ।
 অট্টালিকা-দ্বারে আশা সহচরী
 ভ্রান্তি হাতে দেয় তুলে
 কোঁটা নব নব হেরিতে হেরিতে
 পূর্বভাব সবে ভুলে ।

অষ্টম কল্পনা ।

৯১

কত প্রাণী হেন হেরি কাচ ধণ্ড
ফিরে সে আলয় ছাড়ি
সহাস্য বদনে কেশ, বেশ, অঙ্গ,
চলে নানা রূপে ঝাড়ি ।
আশার কুহকে চমকিত মন
বসি সে সোপান পর ;
আদেশ তাহার উঠি পুনর্বার,
ধীরে হই অগ্রসর ।

অষ্টম কল্পনা ।

ব্রহ্মবন্দনা ও সরস্বতী অর্চনা ।

ব্রহ্মাণ্ড ভুবন সৃজন ষাঁহার,
প্রাণী বিরচিত ষাঁর,
যে জন হইতে জগত পালন,
যিনি জীব মূলাধার ;
রবি, শশধর পবন, আকাশ,
জ্যোতিষ্ক, নক্ষত্র দল,
জীমূত, জলধি পর্বত, অরণ্য,
হৃদিনী, ধরিত্রী, জল,
নিনাদ, বিদ্যুৎ, অনল, উত্তাপ,
হিম, রৌদ্র বাষ্প, বাস,
পুষ্প, বিহঙ্গম, ফল, বৃক্ষলতা,
লাবণ্য, আশ্বাদ, শ্বাস,
বাক্য, স্পর্শ, স্রাবণ, শ্রবণ, দর্শন,
স্মৃতি, চিন্তা স্মথকর,

আশাকানন ।

সৃজন বাহার প্রেম, ভক্তি, আশা,
পালন পৃথিবীপর ;

জগত-ভূষণ মানব শরীর,
মানব ভূষণ মন,

সৃজিলা যে জন নমি আমি সেই
দেব নিত্য সনাতন ।

করেছি প্রবেশ দুর্গম কান্তারে,
হুরাশা বামন হৈয়ে

ধরিতে শশাঙ্ক ধরাতে থাকিয়া
শিশুর উৎসাহ লৈয়ে ;

হুরন্ত বাসনা আশার কাননে
ভ্রমিব পৃথিবী ময় ;

কর রূপা দান রূপানিধি প্রভু
হর ভ্রান্তি, হর ভয় ।

পথের সম্বল নাহি কিছু মম
অবলম্ব সুধু আশা,

জ্ঞান চিন্তাহীন বোধ বিদ্যাহীন
অজ্ঞহীন খর্ব ভাষা ;

যশঃ তুষাতুর, ক্ষিপ্ত অভিলাষ
পীড়িত করে হৃদয়,

সর্বশক্তিময় তব শক্তি বিনা
বাঞ্ছা পূর্ণ কভু নয় ।

কর দয়াময় দয়াবিন্দু দান,
আমি ভ্রান্ত মূঢ়মতি,

জ্ঞানী পরমেশ আদি মধ্য শেষ
অচিন্ত্য চরণে নতি ।—

ভূমিও গো দয়া কর মা ভারতী,
দেও মনোমত ফুল,

সাজাই কানন বাসনা যে রূপ
 তুষিতে বান্ধবকুল ;
 খোল মা বারেক উদ্যান তোমার,
 প্রবেশ করিব তায়,
 তুলিয়া আনিব গুটিকত ফুল
 গাথিতে নব মালায় ;
 নাহি সে স্তবর্ণ রজতের কুঁজি
 অদৃষ্টে আমার ঠাই,
 বিহনে সাহায্য জননি তোমার,
 কাননে কেমনে যাই ।
 কত চিত্র মাতঃ ! দেখি চিত্র-পটে
 বাসনা অক্ষরে আঁকি,
 বাণীর অভাবে না পারি আঁকিতে
 অন্তরে লুকায়ে রাখি !
 পূর্ণ কর মাতঃ মূঢ়ের বাসনা
 রসনাতে দিয়া বাণী,
 বর্ণে যেন পাই শত অংশ তার
 যে চিত্র মানসে মানি ;
 মানবের হৃদি আঁকি চিত্র-পটে
 রচিব আশার বন !
 জননি তোমার করুণা-বিহনে
 কোথা পাব কিবা ধন !
 দেও গুটিকত মানস-রঞ্জন
 কুসুম তোমার তুলে,
 পুরাই বাসনা, আশার কানন
 সাজাই তোমার ফুলে !

নবম কণ্ঠনা ।

—o—

বিবেকের সহিত সাক্ষাৎ—আশার অন্তর্দান—বিবেকের
বর্তী হইয়া কাননের প্রান্তভাগ দর্শন । শোকারণ্য—
তাহাতে প্রবেশ ও ভ্রমণ—শোকের মূর্তি
দর্শন ও তাহার পরিচয় ।

আশার পশ্চাতে প্রাসাদ হইতে
আসিয়া কিঞ্চিৎ দূর,
জিজ্ঞাসি তাহারে কোন পথে এবে
ভ্রমিব তাহার পুর ;
জিজ্ঞাসি কাননে সকলি কি হেন—
সকলি সৌন্দর্যময় ?
কোন স্থানে কিছু সে কানন মাঝে
কলঙ্ক অঙ্কিত নয় ?
শুনি হাসি আশা অতি সুমধুর
কহিল, আমার কাণে
“পাইবে দেখিতে ভুলিবে যাহাতে
উতলা হৈও না প্রাণে ;
চল এই পথে” হেন কালে হেরি
জ্যোতির্ময় ঋষি-বেশ,
তেজঃপুঞ্জ ধীর, অমল বদন
শ্বেত শ্মশ্রু, শ্বেত কেশ ;
প্রাণী একজন আসি উপনীত
শিরেতে কিরণ ছটা,
ছায়া শূন্য দেহ, দেবের সদৃশ,
অদ্ভুতে সৌরভ ঘটা ;

कहिला आमाऱे "कुहके डुलिया
 कोथा, वंस, कर गति !
 देखिछु ये अई आशा मायारिनी,
 बडई कुटिल मति ।
 करोना प्रतय उहार वचने
 डूलो ना उहार छले,
 हेन प्रवक्क देधिते पावे नऱ
 कदापि अबनीतले !
 छिल सत्य आणे अमर आलये,
 सदा सत्यप्रिय अति,
 मिथ्या, प्रवक्कना, ना जानित कडु,
 सरल सुन्दर गति !
 बलित याहारे यथन येरूप
 फलित वचन तथा ;
 त्रिलोक डुवने आछिल सुख्याति
 मिथ्या ना हईत कथा ।
 छिल बहु दिन सुथे स्वर्गधामे
 क्रमे दैवविडम्बना -
 दानव डुरस्त स्वर्ग लैल हरि
 अमरे करि छलना ।
 इन्द्रादि देवता दनुज दौराह्ये
 स्वर्गपुरी परिहरि,
 धरि छद्मवेश करिला व्रमण
 आसिया पृथिवी'परि ;
 स्वार्थ परवक्क आशा ना आ(ई)से
 अमरावतीते थाके ;
 दानव राजडु समये स्वर्गेते
 स्वर्गेर डुयार राथे,

আশাকানন ।

সেই পাপে ইন্দ্র দিলা অভিশাপ
 গতি হ'বে ধরাতলে,
 মানব নিবাসে হইবে থাকিতে
 চির দিন ভূমণ্ডলে ।
 তদবধি হুঃখে ভ্রমে কুহকিনী
 ঘুরিয়া পৃথিবীময়,
 কহে যত বাণী সকলি নিষ্ফল,
 সকলি অলীক হয় ।
 চিরকাল হেন ভ্রমে এ কাননে
 ভুলায়ে মানব যত,
 নাহিক বিরাম ভ্রমে দিন দিন
 শঠতা করি সতত ।
 নিরখি তোমারে সুকুমার অতি
 সরল নিশ্চল মন,
 পড়িলা বিপাকে উহার সংহতি
 এখানে করি গমন ;
 করিয়া গোপন রেখেছে তোমারে
 এ কানন গূঢ় স্থল !
 আ(ই)স সঙ্গে মম আমি চেতাইব
 দেখাইব সে সকল ।”
 ঋষির বচন শ্রবণে কোতুকী
 আশার উদ্দেশে চাই,
 হেরি চারি দিক্ কোন দিকে তারে
 নিরখিতে নাহি পাই !
 ঋষি কহে “বৎস পাবে না দেখিতে
 এখন তাহারে আর ;
 আমার নিকটে থাকে না স্থস্থির,
 এমনি প্রকৃতি তার ।

দেখিয়া আমারে নিকটে তোমার
অদৃশ্য হইলা ছলে,

গেলা ভুলাইতে অথ কোন জনে,
আনিতে কানন স্থলে ।”

শুনিয়া সে কথা তখন যেমন
ভাঙ্গিল নিদ্রার ঘোর ;

নিছলি ঘুচিলে উঠে যেন প্রাণী
পলাইলে পরে চোর ।

কথায় প্রত্যয় হইল তাঁহার,
অগত্যা পশ্চাতে যাই,

আশাপুরী প্রান্তে গাঢ়তর এক
অরণ্য দেখিতে পাই ।

ঋষি কহে “বৎস ভ্রমে এই খানে
আশাদক্ষ প্রাণী যারা—

পতি, পুত্র, ভ্রাতা, দারা, বন্ধু, পিতা,
জননী, বান্ধব-হারা ।”

বাড়িল কোতুক, যাই দ্রুতগতি
বন দরশন আশে ;

অরণ্য নিকটে আসিয়া অস্থির,
স্তম্ভিত হইলু ভ্রাসে ।

যথা যবে ঝড় বহে ভয়ঙ্কর,
বায়ু মুখে মেঘ ছুটে,

অতি ঘোরতর দূর হ(ই)তে শূন্যে
হুহু শব্দ বেগে উঠে ;

কানন হইতে তেমতি উচ্ছ্বাসে
উঠিছে গভীর রব ;

শুনিয়া সে ধ্বনি কানন বাহিরে
পরানী নিস্তরু সর ;

আশাকানন

ঘন হাহা রব, প্রচণ্ড নিশ্বাস,
উঠিছে ঝটিকা সম ;
কভু শাস্ত ভাব কভু ভয়ানক
এই সে তাহার ক্রম ।

প্রবেশের মুখে সে অরণ্য পাশে
দেখি প্রাণী এক জন,
অতি স্নান ভাব, হাতে ফুলমালা,
হুঃখেতে করে ভ্রমণ ;
পড়িয়াছে কালি বদন মণ্ডলে,
গভীর চিন্তার রেখা,
ফেলি অশ্রু ধারা চাহি ধরা পানে
সতত ভ্রমিছে একা ।

দেখিয়া তাহার কাতর অন্তর
উপনীত হই কাছে,
জিজ্ঞাসি কি হেতু ভ্রমে সেই খানে
কত দিন সেথা আছে ?
কহিল সে জন “আশার কাননে
আছি আমি বহু দিন ;
ভ্রমি এইরূপে দিবা বিভাবরী,
শরীর করেছি ক্ষীণ ;
পক্ষ ঋতু মাস, বৎসর কতই,
অতীত হইল, হায়,
তবু কার গলে নারিলাম দিতে
এ ছার স্নেহ মালায় !
কত যে পুরুষ, কত যে রমণী,
সাধনা করিছু কত—
গ্রহণ করিতে এ কুসুম দাম
কেহ সে নহে সম্মত !

না জানি কি বুঝে পলায় অন্তরে
 নিকটে দাঁড়াই যার ;
 তুলে যদি কভু দেই কা'র হাতে
 তৈলি ফেলে এই হার !
 আহা কত প্রাণী হেরি এ কাননে
 কতই আনন্দ পায় !
 কি কব বিধিরে এ হেন অমৃত
 নাহি সে দিলা আমায় !
 ভাবি কতবার ছিঁড়িব এ দাম,
 ছিঁড়িতে নাহিক পারি ;
 তাই হুঃখে তাজি শ্রুণয়ের ভূমি
 এ বনে হয়েছি ঘরী ।”
 এত কৈয়ে যায় ক্রতবেগে চলি,
 চক্ষে বিন্দু বিন্দু জল ;
 শুনিয়া কাতর অন্তরে যেমন
 জ্বলিল কুট গরল ।
 ঋষির সংহতি প্রবেশি অরণ্যে
 হেরি এবে চারি দিক—
 জর্জরিত তরু, লতা, শুষ্ক, পাতা
 আকীর্ণ রাশি বন্যীক ।
 ভাঙ্গিয়া পড়িছে এথা তরুশাখা,
 ওথা উন্মূলিত দারু ;
 হেলিয়া কোনটি রয়েছে শূন্যেতে
 হতপুষ্প ফল চারু ;
 কাহার পল্লব ভাঙ্গিয়া ছলিছে,
 বিরক্ত কাহার চূড়া ;
 বিদ্যৎ আহত বিশীর্ণ কোনটি
 মাটিতে পড়িছে গুঁড়া ;

আশাকানন।

যেন বা হরস্ত অনল দাহনে

উচ্ছিন্ন করেছে তায়—

সে শোক কানন শোভা বিরহিত

দেখিতে তাহার(ই) প্রায় !

নিরখি আশ্চর্য্য প্রাণী সে কাননে

হুই রূপ, হুই ভাগে,

ধায় পরস্পর কানন ভিতরে,

পাছে এক, অত্র আগে ;

জীবিত যাহারা তাহার পশ্চাতে,

অগ্রভাগে ছায়া যত ;

কানন ভিতরে করে পরিক্রম

অবিশ্রান্ত অবিরত ।

হা হতোহস্মি রব, শিব শিব ধরনি,

সতত জীবিত মুখে ;

ছায়া বৃন্দ পাছে ঘুরিয়া ঘুরিয়া

ভ্রমিছে মনের দুখে ।

কত যে প্রাচীন ভ্রমিছে সেখানে

প্রসারিয়া হুই বাহু ;

বিশীর্ণ শরীর, ব্যাকুল বদন,

গ্রাসিয়াছে যেন রাহ ।

কত শিশু ছায়া ধায় অগ্রভাগে,

নিকটে আসিলে, হায়,

অমনি সরিয়া ফিরে ফিরে চাহি

দূরেতে পলায়ে যায় !

কোন বা যুবক বৃদ্ধের আকৃতি

ছায়ার পশ্চাতে ধায় ;

ছায়া স্থির রহে যুবা ছুটি আসি

আলিঙ্গন করে তায় ;

কোথা আলিঙ্গন, বৃথা সে পরশ,

শূন্য বাহু বক্ষঃস্থলে !

যুবা দীর্ঘশ্বাসে ছায়া নিরখিয়া

ভাসে তপ্ত অশ্রু জলে ।

কোন জন ধায় ছায়ার পশ্চাতে

বাড়াইয়া ছুই হাত ;

বহু দিন পরে যেন পুনরায়

দেখা পায় অকস্মাৎ ;

কহে অল্পনয় বিনয় করিয়া

“আ(ই)স সখে এক বার,

বাহুতে জড়িয়ে তব কণ্ঠদেশ

নিবারি চিত্তের ভার ।

বহু দিন সখে ভাবি নিরন্তর

অই সুপ্রসন্ন মুখ ;

নামে জপমালা করি করতলে

স্বপ্নরি মনের তুখ ।

বদন আকৃতি সকলি তেমতি

সমভাব সেই সব,

তবে কেন সখে কাছে গেলে সর,

কেন নাই মুখে রব !”

কেহ বা বলিছে ছুটিতে ছুটিতে

কোন এক ছায়া পাছে—

“আ(ই)স ফিরে ঘরে ভাই প্রাণাধিক

চল জননীর কাছে ;

দিবা নিশি হায় করিছে ক্রন্দন

জননী তোমার তরে ;

সাজায়ে রেখেছে সকলি তেমতি

সাজায়ে তোমার ঘরে ;

সেই ঘর আছে, আছে সেই জায়া,
 ভাই, বন্ধু সেই সব,
 সেই দাস দাসী, সেই পরিজন,
 গৃহে সেই কলরব ;
 কমলের দল সদৃশ তোমার
 শিশুরা ফুটেছে এবে ;
 আ(ই)স ফিরে ঘরে ক্রোড়ে করি তায়
 বদন আত্মাণ নেবে ;”
 বলিয়া হুঃখেতে , করিয়া ক্রন্দন
 পশ্চাতে ধাইছে তার,
 ছায়ারূপী প্রাণী না শুনে সে কথা
 দূরে যায় পুনঃ আর ।
 আহা সুরূপসী রামা কোন জন
 ছই বাহ উর্দ্ধে তুলি
 ছুটে উর্দ্ধস্থানে “নাথ নাথ” বলি
 কুন্তল পড়িছে খুলি,
 “দাঁড়াও বারেক ঋণকাল, নাথ,
 জুড়াক তাপিত বুক
 বারেক তুলিয়া দেখাও আমারে
 অই শশীসম মুখ ;
 ভ্রমি অনিবার এ আঁধার বনে
 বরষ বরষ হায় !
 সাগর সলিলে ধ্রুবতারা যেন
 নাবিক নিরখি যাম্ব ।
 উঠিছে তরঙ্গ চারি পাশে তার
 ভরণী ছুটিছে আগে,
 অনিমেষ আঁধি দেখিছে চাহিয়া
 আকাশের সেই ভাগে !

সেইরূপে নাথ জাগি দিবা নিশি

সেইরূপে দুঃখে চাই ;

তবু এ ছরন্তু অকুল সাগরে

কুল নাহি খুঁজে পাই ;

কবে পুনরায় আবার তেমতি

পাইব হৃদয়ে স্থান !

শুনিব মধুর সুধা সম স্বর

জুড়াবে শরীর প্রাণ !”

এইরূপে সেথা কত শত জন

ছায়া অন্বেষণ করি,

ভ্রমিছে আক্ষেপ রোদন করিয়া

আঁধার কানন ভরি ;

ভ্রমে অবিচ্ছেদ, সদা খেদস্বর

শিরে বক্ষে করাঘাত,

ঘন দীর্ঘশ্বাস, অবিরল ধারা

যুগল নয়নে পাত ।

তাহাদের মুখ চাহি ক্ষণকাল

দুঃখেতে পুরে হৃদয়,

কহি হায় বিধি নবীন পঙ্কজ

শুকালে এমন হয় !

সৃষ্টির গৌরব প্রকাশিত যায়

এ হেন তরুণী মুখ

তাপদঙ্ক হৈয়ে মানবের মনে

দেয় কি এতই দুখ !

হীরা, মুক্তা, চুণী, বিধু, পদ্মফুলে

কলঙ্ক দেখিতে পারি ;

ভরুণীর মুখে দঙ্কশোক ছায়া

কদাপি দেখিতে নারি !

আশাকানন ।

এরূপে আক্ষেপ করিয়া তখন

ক্রমে হই অগ্রসর ;

ক্রমশঃ বাতাস বেগে অন্ন অন্ন

আঘাতে বদন'পর ।

ক্রমে অগ্রসর হই যত আরো

বায়ু গুরুতর তত ;

গাছের পল্লব লতা পাতা ক্রমে

বায়ু ভরে অবনত ।

ক্রমে বৃদ্ধি ঝড় প্রবল পবন

বুকে মুখে বেগে পড়ে ;

অতি কষ্টে ধীরে হই অগ্রসর,

স্থির হৈতে নারি ঝড়ে ।

যথা অন্তরীক্ষে বায়ু প্রতিমুখে

বিহঙ্গ যখন ধায়,

আঙু হৈলে কিছু প্রবল বাতাসে

দূরে ফেলে পুনরায়,

পক্ষ প্রসারিয়া স্থির ভাবে কভু

বহুক্ষণ শূন্যে রয় ;

আঙু হইতে নারে না পারে ফিরিতে

অবিচল পক্ষদ্বয় ;

সেইরূপে যাই জিজ্ঞাসি ঋষিরে

কহ একি তপোধন—

কোথা হইতে হেন এই স্থানে বেগে

এরূপে বহে পবন ?

অন্ত দিকে হেরি ঝড়ের আকার

কিছু নাহি হয় দৃষ্টি ।

বহিছে এখানে প্রচণ্ড বাতাস

একি অদ্ভুত সৃষ্টি ?

সেই স্তূপ অঙ্গে অঙ্ক গুহা এক,
 উখিত হইয়া তায়,
 ঘন ঘন শ্বাস প্রচণ্ড বাতাস
 ঝড়ের আকারে ধায়।
 অতি কষ্টে দৌছে সেই গুহা পাশে
 আসি হই উপনীত ;
 নিকটে আসিয়া দেখিয়া স্তম্ভিত,
 ভয়ে চিত্ত চমকিত।
 গহ্বর ভিতরে বসি এক প্রাণী
 প্রচণ্ড নিশ্বাস ছাড়ে ;
 সেই দীর্ঘশ্বাসে জনমি বাতাস
 ঝড় সম বেগে বাড়ে।
 কালির বরণ পাষণ নিশ্চিত
 যেন সে কঠিন কায়া ;
 শরীরে বিস্তৃত যেন অন্ধকার
 ঘোরতর গাঢ় ছায়া।
 মাঝে মাঝে মাঝে কাঁপে সর্ব অঙ্গ
 হুঙ্কার ধ্বনি নাসায় ;
 ছিন্ন ভিন্ন বেশ, রুদ্ধ ধূম্রকেশ
 মস্তকে বিচ্ছিন্ন, হায় !
 করে আচ্ছাদন করিয়া বদন
 বসি ভাবে হেঁট মাথা ;
 বসি হেন ভাব যেন সে মূর্ত্তি
 সেই গুহা অঙ্গে গাঁথা।
 সম্ভাষি আমাঙ্গে কহে তপোধন
 “শোকমূর্ত্তি এই হের,
 আশার কাননে ইহা হইতে ঘটে
 বহু বিঘ্ন বহু ফের।”

শ্বশুরের জিজ্ঞাসি কেন তপোধন

মুখে আচ্ছাদন কর ?

না দেখিছ কভু বদন হইতে

উহা ত হয় অন্তর ।

সে কথা শুনিয়া ছাড়ি দীর্ঘশ্বাস

শোকমূর্তি ছুখে বলে,

বলিতে বলিতে করের অঙ্গুলি

তিতিল নয়নজলে ;

“এ কথা জাননা কে তুমি এখানে

ভ্রমিছ আশাকানন ;

শিশু নহ তাহা বুঝিয়াছি স্বরে,

হবে কোন যুরাজন ।

আমি হতভাগ্য আছি এই স্থানে

চারি যুগ এই হাল ;

বিধাতা আমায় করিলা সৃজন

করিয়া লোক-জঞ্জাল ।

যত্ন নাই মম যে আসে নিকটে

সেই পায় নানা ক্লেশ ;

সেই হেতু এথা থাকি এ নির্জনে

ছুখে ছাড়িয়াছি দেশ ।

না দেখাই কারে এ ছার বদন

তাহার কারণ বলি—

দেখিব যাহারে বিধাতার শাপে

তখন সে যাবে জ্বলি ।

কত অনুনয় করিছ বিধির

লইতে এ পাপ প্রাণ,

এ কাল কটাক্ষ হইতে আমার

প্রাণীরে করিতে ভ্রাণ ;

না শুনিলা বিধি শুধু এই বর
 দিলা সে করুণা করি—
 শিশুর বদন হেরিতে কেবল
 পাইব নয়ন ভরি ;
 এ কটাক্ষ দাহ শিশুরে কেবল
 দাহন করিতে নারে,
 নতুবা মুহূর্তে দগ্ন করি তাপে
 অত্র প্রাণী সবাকারে ;
 কোথা নাহি যাই থাকি একা এথা
 তবু সে বিধি আমায় ;
 বিড়ম্বনা করে প্রেরিয়া পরাণী
 আমারে কত জালায় ;
 বর্ষে ষত বার খুলি দগ্ন অঁাখি
 তখন(ই) যে থাকে কাছে,
 তার সম বুঝি আশার কাননে
 অভাগা নাহিক আছে ।
 আসিতে আসিতে দেখিয়াছ পথে
 সহস্র সহস্র প্রাণী
 ভ্রমিছে হুঃখেতে, এ কটাক্ষ দোষে,
 শুনায়ে কাতর বাণী ।
 না থাক এখানে যাও অত্র স্থান
 বাঁচিতে যদিপি চাও ;
 আমার নিকটে থাকিয়া এখানে
 কেন এ সস্তাপ পাও ।”
 যথা ঘবে কোন গৃহীর আলয়ে
 মৃত্যু উপস্থিত হয়,
 রোদন নিনাদ বিলাপ শোচনা
 বিদীর্ণ করে আলায় ;

দশম কণ্ঠনা !

নৈরাশক্ষেত্র—মধ্যভাগে মরুপ্রদেশ—তাহাতে চিরপ্রদীপ্ত

অনলকুণ্ড—হতাশের মূর্তিদর্শন ও নিদ্রাভঙ্গ ।

ধীরে ধীরে ঋষি চলে আগে আগে
পশ্চাতে করি গমন ;

শোকারণ্য ছাড়ি অগ্র ধারে তার
উপনীত দুই জন ।

কঠিন মৃত্তিকা, নিম্ন উচ্চ ভূমি,
ধরা নহে সমতল ;

চলিতে চরণ স্থির নাহি রহে,
সে পথ হেন পিচ্ছল ।

নাহি ডাকে পাখী, তরুর শাখায়
নীরবে বসিয়া রয় ;

বিনা বায়ুবেগ নিত্য তরু তলে
ঝরে লতা পত্রচয় ।

ক্রীড়ায় নিবৃত্ত ব্যাধগণ যবে
উজাড় করিয়া বন

ফিরে গৃহ মুখে, ত্যজিয়া কানন
আনন্দে করে গমন ;

তখন যেমন ছাড়ি নানা দিক্
পুনঃ ফিরে যত পাখী,

ভ্রমে উড়ে উড়ে তরু চারি ধারে
ভয়ে না প্রবেশে শাখী ।

নিরখি আসিয়া এথা সেই ভাবে
আছে যত নিকেতন,

চারি ধারে তার ভ্রমে নিরন্তর

হতাশ পরাণীগণ,

সাহস না করে পশিতে ভিতরে

ক্ষুণ্ণমন, নতশির,

শুষ্ক কণ্ঠদেশ, শুষ্ক রুক্ষ বেশ,

নয়নে না রাে নীর ।

হেরি কত প্রাণী চলে অতি ধীরে

দেহে যেন নাহি বল,

শুষ্ক নীলোৎপল মুখছবি যেন,

করে চাপে বক্ষঃস্থল ।

কৃত যুবা, আহা, নত পৃষ্ঠদণ্ড

চলে হেন ধীরে ধীরে,

প্রতি পাদক্ষেপে যেন রেণু গুণি

নিরখে মহী-শরীরে ।

হেন ধীর গতি তবু কত জন

পড়ে নিত্য ভূমিতলে,

স্থলিত চরণ ধূলিতে লুটায়

পিচ্ছল সেহ অঞ্চলে ।

পড়ে ক্ষিতি পৃষ্ঠে চলিতে চলিতে

বৃদ্ধ প্রাণী কৃত জন ;

উঠিতে শক্তি নাহিক আশ্রয়,

আশ্রয়ে ধরে পবন !

কোথাও পরাণী হেরি শত শত

বসিয়া দুর্গম স্থানে,

অনিমেঘ অঁাধি নীরস বদন

নিত্য হেরে শূন্য পানে ;

চলে দিনমণি ভাসিয়া গগনে

চাহিয়া তাহার পথ

ছাড়ে দীর্ঘশ্বাস, বলে “হা বিধাতঃ
 ভালদিলে মনোরথ ;
 করি বড় সাধ ধরিলাম হৃদে
 ক্রপণের যেন মণি,
 এখন সে আশা হয়েছে গরল
 দংশিছে যেমন ফণি ।
 কেন বিধি হেন আশ্বাসে ভুলায়ে
 জ্বালিলে হৃদয়ে শিখা ?
 জানিতে যদিপি অগ্রে এ ললাটে
 এ হেন অভাগ্য লিখা !”
 এরূপে বিলাপ করিছে অনেকে,
 কেহ বা উঠিয়া ধায়,
 ভাবে যেন শূন্যে কোন সে আকৃতি
 সহসা দেখিতে পায় !
 গিয়া দ্রুতপদে করতল যুড়ে
 বাহু প্রসারণ করি ;
 বাতাস মিলায় যুচে সে প্রমাদ,
 পালটে আশা সম্বর,
 ফিরে অধোমুখ বসিয়া আবার
 দিনমণি পানে চায়,
 দেখে শূন্যমার্গে ধীরে ধীরে সূর্য্য
 গগনে ভাসিয়া যায় ।
 নিরখি সেখানে প্রাণী অগ্র কত
 মনস্তাপে ধীরে ধীরে
 কণ্ঠ হইতে খুলি কুসুমের হার
 নিরখিছে ফিরে ফিরে ;
 করি ছিন্ন ছিন্ন ফেলিছে ভূতলে
 পদতলে দৃঢ় চাপি ;

নেত্রে অশ্রুবিन्दু ফেলি মুহমুহ
 উঠিছে সঘনে কাঁপি ;
 পদাঘাতে চূর্ণ খণ্ড খণ্ড হয়ে
 সে মালা পড়ে যখন ;
 “উদ্ঘাপন” বলি ছাড়িয়া নিশ্বাস
 সে প্রাণী করে গমন ।
 দেখি কত জন বসিয়া নিৰ্জনে
 ধীরে চিত্রপট খুলে,
 নয়নের নীরে অঙ্কিত চিত্রের
 একে একে রেখা তুলে ;
 করিয়া মার্জিত সৰ্ব্ব অবয়ব
 নিরঙ্ক করিয়া পরে,
 বিছায়ে বিছায়ে সেই চিত্রপট
 ছুই করতলে ধরে ;
 পরশে হৃদয়ে পরশে মস্তকে
 যতনে করে চুম্বন ;
 পরে ছিন্ন করি ফেলি ধরাতলে
 সস্তাপে করে গমন ।
 বলে “রে এখন(ও) বিদীর্ণ হলিনে
 হায় রে কঠিন হিয়া !
 কি ফল বাঁচিয়া এ হেন মধুর
 আশা বিসর্জন দিয়া ?
 ভাবিতাম আগে না জানি কতই
 কোমল মানব মন ;
 ছিল যত দিন আশার হিল্লোল
 করিত হৃদে ভ্রমণ ।
 বুঝেছি এখন লৌহ ধাতুময়
 কঠোর নরের হৃদি ;

অনন্ত দুঃখের কারণ করিয়া
 গঠিলা আমার বিধি !”
 কোন খানে দেখি - শ্রাণী শত শত
 শয়ন করি ভূতলে
 পাষণের ভার তুলিয়া বিষম
 রাখিছে হৃদয় তলে ;
 কাঞ্চন মুকুট, মণিময় দণ্ড,
 হেম-বিমণ্ডিত অঙ্গি,
 ধূলি সমাচ্ছন্ন, প্রতি জন পাশে
 পড়েছে কতই খসি ;
 বলিছে “এখন বাঁচিয়া কি ফল
 পাইয়া এ হেন ক্লেশ,
 এ ছার সংসারে বৃথায় ভ্রমণ
 ধরিয়া ভিক্ষুক বেশ !
 কত যে উৎসাহ কতই বাসনা
 ধরিত আগে এ মন !
 ভূধর শরীর ভাবিতাম তুচ্ছ,
 সামান্য তুচ্ছ গগন !
 ভাবিতাম আগে জলধি গোপ্পদ,
 ইন্দ্রপুরী ক্ষুদ্র অতি ;
 পরিণামে হয় হইল এ দশা,
 এখন কোথায় গতি !”
 বলিয়া এতেক ভগ্ন অঙ্গি লৈয়ে
 হৃদয়ে করে প্রহার ;
 আবার ভূতলে পড়িয়া, বক্ষেতে
 চাপায় পাষণ ভার ;
 উপরে উপরে শিলা খণ্ড তুলে
 কতই চাপিছে বুকে ;

কাল কাদম্বিনী কোলেতে যেমন
 বিছাৎ গগনে লুটে ;
 ভাতে তীব্র ছটা ধাঁধিয়া নয়ন
 মুহূর্ত্তে পুনঃ লুকার ;
 গাঢ়তর যেন অন্ধকার জাল
 সে মরু পরে ছড়ায় ।
 সে বিকট জালে আকুল তরাসে
 শিহরি চাহি তখন,
 রোমাঞ্চিত দেহ কম্পিত হৃদয়
 নিস্পন্দ ছুহ নয়ন ;
 দেখি স্থানে স্থানে কত শব-দেহ
 সেই বারিশূন্য স্থলে,
 বিকৃত বদন বিবর্ণ শরীর
 লতারজ্জু বান্ধা গলে ।
 পীড়িত হৃদয় কাঁপিতে কাঁপিতে
 দ্রুতবেগে করি গতি,
 হেরি এই রূপ যাই যত দূর
 বাহিয়া উত্তপ্ত পথি,
 ক্রমে যত যাই তত উষ্ণ বায়ু,
 উষ্ণতর গুহু মহী,
 উঠে ঘোর তাপ ঘেরি চারি দিক
 শরীর চরণ দহি ।
 ক্রমে উপনীত বিশাল বিস্তৃত
 ভয়ঙ্কর মরুভূমে,
 শূন্য গুল্মলতা হুহু করে দিক্
 আচ্ছন্ন নিবীড় ধূমে ;
 হুহু জলে বালি অনন্ত বিস্তার
 দশ দিকে পরকাশ ।

বান্ধিয়া অঙ্গুলে ছিঁড়ে কেশ জটা
 মস্তক করে বিকচ ;
 রুধিরাক্ত তনু ধায় দশদিকে
 প্রাণীগণে খেদাইয়া—
 আশাভয় প্রাণী যত সে প্রদেশে
 সম্মুখে ভ্রমে ছুটিয়া ।
 জলে মরু মাঝে অনলের কুণ্ড
 বিপুল মুখব্যাদান,
 ধুমল কালিম্ব বজ্র ধাতু সম
 শিলাখণ্ডে নিরমাণ ;
 উঠে বহি-শিখা ভীম কুণ্ড-মুখে
 জিহ্বা প্রসারণ করি ;
 ছুটে ছুটে উঠে দূর শূন্য পথে
 ভীষণ গর্জন ধরি ;
 লিহি লিহি করি উঠে বহি জালা
 কুপ হইতে ভীম রঙ্গে ;
 জিহি লক্ লক্ ছুটিতে ছুটিতে
 প্রসারে যেন ভুজঙ্গে ;
 আনি প্রাণীগণে ধরি একে একে
 সেই মূর্ত্তি ভয়ঙ্কর
 সে অনল কুণ্ডে মুহূর্ত্তে মুহূর্ত্তে
 নিক্ষেপে বহ্নির পর ।
 ঋষি কহে “বৎস ” হের রে হতাশ
 হতাশ-কুপ নেহার ;
 আশার কাননে পরিণাম এই
 নিরুপিত বিধাতার !”
 নেহারি অতঙ্কে কম্পিত শরীর,
 ভয়ে শিরে কাঁপে কেশ—

হতেছে আমার, শুন তপোধন
ইথে পরিত্রাণ দেহ।

বলিয়া নিরখি হেরি চারি দিক
ঋষি নাহি দেখি আর !

নিদ্রাভঙ্গে পুনঃ সেই তরু তল
হেরি দামোদরধার !

তেমতি কিরণ পড়ি দামোদরে
আলো করে ছুই কুল ;

তেমতি কিরণ তরুর শরীরে
রঞ্জিত করিছে ফুল !

দেখিতে দেখিতে ফিরিলু আবার,
প্রবেশি আপন গেহে ;

পুনঃ সে ধরার আবর্তে পড়িয়া
মজিলু জটিল স্নেহে ।

. সমাপ্ত ।

